


海峽檢案謄錄一



海營檢案臚錄

長洲朴文甫

被告崔仁甲
竇因自縊死

初檢官長洲兼任豐川府使趙贊顯跋辭內今此獄事初
因纖芥之端竟作雉頸之鬼且無當場叅看之證獄情之踈
濶豈有如此獄者哉先檢其判死之地一間虛棚所掛橫杖
距地為五尺八寸且驗其結項之物一段木條作為活套通
計為三寸九分是如乎若謂之被縊則其結締之痕宜交在於
項後是去乙今此紫黯之痕由額下亘延於兩耳根之下且
以屍親輩之必欲甘心被縊二字亦未嘗發口則其非被縊可
知分此除良志在捧償必無相害之心身無懷璧豈疑外來
之賊由此觀之文甫之自縊致死已無可疑且以屍悵論之
仰合諸部無他痕損只有縊痕起於額下至於耳邊眼合唇

開手握齒露大腸頭點血等諸般形症昭合於無寃錄自縊
死條是乎等以實因段以自縊致死懸錄為乎玆聽以苦主
之招雖似由於威逼叅以衆人之供無可執之真跡是如乎
屍親之招一則曰場邊言詰是如乎乃過限不報是何行
實只止數語金貞環之耳聞自在二則曰偕往不歸至於斯
境是如乎乃俱到朴興根家渠自滅燈以去伴宿之宋順
棣目擊昭然三則曰督債刻薄是如乎乃初無惡言相加
衆人之叅聽作為明證今此諸人與崔仁甲無非生面在朴
文甫俱是比隣豈有厚於崔而薄於朴同然一辭少無參差
之理乎縱有督債之嫌奈無由我之跡是乎玆朴文甫之死
既由自縊又無威逼之證然則崔仁甲固無名目之的確而
大凡檢例若被屍親指告則不限輕重統補被告故崔仁甲

段以被告開錄為乎孫噫彼朴文甫此曷故焉像想情景去
市來市過限既多今日明日見督不火思量家勢報償未由
彷徨籬邊愁心曾生其與明日見困無寧今夜溘然斷送一
縷於無知之間情則憾矣死固浪矣然而獄情至重恐不可
輕斷是乎孫屍帳三件良中天字號勘合書填一件給付屍
親一件本府上一件粘付上使為乎孫金貞環朴永先宋
順祿李用水姜興周孫莫同或同宿或往來或通竒故並置
之詞連而孫莫同則別無可問之端故只捧單招為乎孫初
非闕闕事出半夜并無知覺故看證未得執定而朴興根段
崔仁甲之督債在於渠家崔仁甲之投宿與受縛亦在渠家
宜有一問是乎矣沉病在內初無干涉姜興周之父出於金
貞環之招而年老耳龍耳別無緊關故并不得取招為乎孫所

結木條既已尺量故不必圖畫而屍體段掘坎假埋灰印封
標逢按守直為乎弥被告以下應問各人或拘或保以待覆
檢而覆檢官以康翎縣監文移請來為乎弥府使自此還官緣由並
以牒報為卧乎事

題旨內覆檢狀憑考次屍帳捧上向事

壬午八月十八日

覆檢官康翎縣監李圭明跋辭內大凡斲獄之法形症之是
察詞證而叅之詞證之叅宜先推理是如乎此獄段縱由八緝
銅織芥之微末見蠻蜀之蝸爭胡使七尺軀泰山之重竟作
溝瀆之雉經踈迺莫如疑惑轉深所以有叅情究跡屢回盤
詰是如乎朴文甫段以一村儉懶情於食力之家貪愛於設
技之場二月賣絲五月糶穀盡消融於賭局去年空杼今年
罄缸長貪賤之生涯督債見困方此時至左右思量方寸已

亂而於屋中難免室人之譴播於隣底自愧少長之咄報償
沒計愁恨動心彷徨庭際玉露沾襟忙促意中金繩迷路與其
明日見督孰如今夕溘然遂持三尺餘木條自經一丈許草樓
此固匹夫愚夫之本色浪死虛死之例套語其近景情則憾
矣先檢判死之地草樓橫木距地為五尺八寸結項之物一
段木條作為活套通計為三尺九寸也若謂之被縊則締結
之痕宜在項後而今此縊痕起於額下至於髮際明是自縊之痕而屍親亦未
嘗以被縊數口必以威逼苦心稱冤者其非被縊可以反隅
且以屍帳言之眼合唇開手握齒露顴頭血點等諸般形症
節二脛合於法文所論是乎等以實因段以自縊致死懸錄
為乎茲以崔仁甲論之欲捧餘債之地豈有暗箭之懷苦招
也孰不冤死而其辭只曰塲邊言詰尚今不報是何心腸乎

云云渾稱如非迫隘豈可遽殞乎為告是乎乃食言數語金
貞環之口招丁寧滅燈伴宿宋順祿之目擊昭然分此除良
只以溫辭說去終無惡言相加衆供同然少無差爽今此崔
仁甲外處居住也朴文甫與諸人俱是比隣也豈可以厚於
崔而薄於朴耶督債而縱有牆角之嫌鈞說而竟無威逼之跡
然則自縊如是的然由我不可舉論若被屍親指告通稱被
告係是檢例故崔仁甲段以被告懸錄而獄體至重恐不可
以輕斷是乎祿金貞環朴永先宋順祿李用水姜興周孫莫
同或通音往來或同宿故并置之詞連而與切隣面任或再招
單招而止為乎祿事出夜半并無知覺而初非聞閤故着證
未得執定朴興根段崔仁甲之督債在於渠家仁甲之投宿
與受縛亦在渠家宜有一問是乎矣方在病卧初無干涉故

不得取指為乎旌屍帳三件良中地字號勘合書填一件本
府上一件給付屍親一件粘付上使為乎旌所結木條既
已尺量故不必圖畫而屍體段還入舊坎灰印封標逢授面
里任使之守直被告以下應問各人還授本府將卒為乎旌
縣監自此還官緣由並以牒報為卧乎事

題旨內屍帳捧上是在果此獄段八緝宿債不過馬吊之物
一條虛棚何至矩經之變趣限責報縱有薄詰之嫌公證所
在奈無威逼之跡况以千金不輕之軀作為一夜無名之鬼擬以事
理究不得說是去乙其奈賦性也至偏貧產則極貪當場之
遣問既多詰朝之困督必至於是乎一步悽愴二步彷徨念
恨愈酷羞愧層生乃以寧濫之計遽辦自裁之舉即一可憐
浪死之人耳實因無疑屍體出瘞為旌崔仁甲段始也欺騙

甘作無賴之習從而徵索視若當捧之債責以延拖不無乖戾之說期於即辦以示迫督之色猝爾投繯雖非所料由我有律亦難全追為先嚴刑一次取指報來為旆蓋縊死之痕前而纏繞於領頰後而斜八於髮際即形症之肯綮也而初檢案中初不懸錄於屍帳只為論斷於跋辭者有違格例是遺活套而縊者其足難地其身懸空始乃致死即其理勢而初檢屍親之指曰半俯而立是果懸空而立乎抑或著地而立乎語極模糊事涉殊常而初檢則未及窮辨覆檢則全不舉論者俱欠綜詳兩檢刑吏并別附過餘外諸人并即放送之意初檢官良中一體枚移施行向事

壬午九月初四日

黃州金夢必

竇因被刺死
正犯申已煥

初檢官遂安郡守趙用夏跋辭內醉魂濛濃莫知殺活之為
底件事巧緣湊集不分好歹者是甚麼人抱身噴二宿契如
山拂袖揮二釦光似水胡為乎百迷中一番左股真可憐八
日內七尺捐軀犯雖无妄死固有寃是如乎同屍首出置光
明如例檢驗則沿身上下無他痕損而仰面左腿左邊有刃
傷處壹處分寸深濶毒氣蓄積以若重傷拖至八日猶云幸
矣而况兩手微握皮肉緊縮等形症脛合於法文故實因段
以被刺致死懸錄為乎旅噫申已煥同開分金人皆曰平昔
好方揮刃刺股孰能料忽地狂且與鄭快二宿憤未霽刺金
踰二方塘已昏縱然事有恩惡犯有故嗇其奈行刺者存被
刺者死正犯之目渠烏得免矧且昏醉中揮刀之說委卧時
同死等語箇二自服故申已煥段以正犯錄上為乎旅鄭達

濟宅其心無良使其甥蓄憤伊日夢必之起波摠由渠矣之
釀禍脫衣出門之際執刀來家之時若使渠而當之安得保
無完其由是焉竟使無辜之人遽然作一去不返之魂渠在
此獄合置重勘然肇與金漢而無關絀又刀刺時不叅故以
干連錄上已煨妻田台史達濟妻李台史被刺之後連袂偕
往付藥等說既出供招宜置詞連而俱係證夫一次盤問後
并與劉德光罪人錄上為乎弥今此獄事犯者自服不須架
疊而變出州內不無叅看故到底鈎覈則屍親姜台史招有
曰適當節日近處男丁皆出塲市一無看叅是如丁寧納招
故看證一款不得填書餘外諸人別無可問或捧單再招而
并姑拘囚行兇刀子初不拾納不得圖畫正犯申已煨嚴囚
州獄屍帳三件良中天字號勘合書填一件給付屍親一件

官上一件粘付上 使為乎祢覆檢官以瑞興府使請移舉
行郡守自此還官緣由并以牒報為卧乎事

題旨內覆檢扶憑考屍帳捧上向事

壬午八月二十八日

覆檢官瑞興府使尹窮善跋辭內致死男人金夢必屍身依
例覆檢後屍帳三件良中地字號勘合書填一件官上一件
給付屍親一件粘付上 使是在果此獄段麴蘗釀禍金蘭
割契厚義先忘姻婭惡緣巧湊朋友賣家技債食貪甚其身
無鷓鴣之棲厨空甌石之儲往愬屢矣常顙晉秦之誼蓄憾
久矣反成楚越之膽醉氣狂性驀然斗激脫衣而出門抽刃而
在手方其時也甬我莫知人鬼難辨以腰間之刀刺背後之
人刀是無情之物人則有誼之朋也禍變倏起料外情跡極
為狂悖讖獄到此更無他疑然而服念三思恐或一毫踈忽

屍首翻轉澆洗仔細檢驗是乎則沿身腐消殆若骨檢而仰面左腿一肉貼血瘡四畔緊縮作孔量其深長分寸濶大
龔除良想像伊日光景已燬執刀之右手從後挽執則以左手移執行刺故傷痕在於左股而諸指符合犯者自服被刺致死斷無他實因段以被刺致死懸錄是乎
旌噫彼申已燬段非曰有故殺之心實出於酒狂之性而白刃所揮遽致人命橫殞論以獄體三尺自在故申已燬段以正犯錄上是乎
旌哀此金夢必段素有平日交情忽見當場悖舉先為諭送從後力挽可見其冠纓之義而酒氣所使橫被刃刺奄奄拖至八月終斷送一縷叅情究跡極為慘切是乎
旌鄭達濟段處於甥妹之間視同奉瘠使其甥之鹿憤簞忽地之狂瀾遂使無辜竟致非命者究其根由渠實作藁故以干連錄

上是乎旅劉德光段刃刺之變出於渠家門前而以西門外
觀市未得忝省故以詞連捧拍李台史段送鷄付傷又往問
慰故以詞連捧拍而至若田台史正犯申已燬之妻也不無
證嫌是乎矣被刺之後與死者妻同扶入房故不得已一次推
問置諸詞連是乎旅先見行刺者即金夢必予七歲兒也年
尚蒙孩不為取拍金應用段出於率蘭之拍而方在病劇亦
未捧供屍親以下隨其緊歇或捧單拍或捧再拍行兇刀子
初不拾納未得圖畫上使正犯申已燬具格牢囚該州獄
干連鄭達濟著枷拍囚捕廳應問各人秋獲方殷并姑保放
府使自此還官緣由并以牒報為卧事
題旨內屍帳捧上是在果此微段悖漢之酷拏本非風馬之
及殺越之橫遭可謂池魚之殃揮手時被刺亮供自服左腿

邊重傷檢狀合符未踰八日遽殞一縷實因無容更議屍體
即為出瘞為旌實因既定正犯斯得則安得不置之極律乎
雖然法之將行情亦可原是如手噫彼申已燬者搆釁於夢
必起鬧於夢必有心而刺故意而殺則其所誅殛難貸晷刻
而今也不然顧其誼則結隣也語其業則同商也既無素蓄
之嫌寧有赤憎之心第以各人供招想像當場光景方其醉
酣之時鹿憤助膽麴氣纈眼不分是人非鬼奚論孰親孰疎
驀見抱身之人仍拔在腰之刀胡然而揮胡然而刺渠必不
知而不省此都是出於酒狂何可以責之人事謂以過誤不
無可議歸之故必恐非其情然而刺則刺矣死則死矣至重
者人命也莫嚴者微軀也叅以跡則雖涉哀矜而勿喜斷以
法則亦難低昂而曲貸兩檢官仍定同推官為去乎上項申

已燬身乙約日會推以別杖箇二考察嚴刑壹次期於得情
為弥鄭達濟段其在切姻之誼胡忍越視秦瘠遂使不聞之
人未免鴻罹魚網苟究其由誰任厥咎亦嚴刑一
次取招仍因報來為弥初檢案中劉德光李名
史段依覆檢案以詞連釐正覆檢案中田名史
段依初檢案以罪人釐正是矣田名史若係
不得乙推問則證嫌所在固當別錄而具格
棒招有違或例兩檢刑吏并別附過餘外諸
人並即放送之意初檢官良中一體移施行向事
壬午九月初五日

安岳洪辰用

正犯朴昌漢
實因被打死

初檢官安岳兼任長連縣監鄭匡淵跋辭內大凡按獄之法莫
嚴者獄情至重者人命蓋慮一毫之差千里之謬察其傷

損之緊歇執定實因聽其詞證之明的執為正犯是如乎此
獄段始因奸淫終成屬階縛打時朴金并力之說既出於若
主之發告捕捉後首從犯手之批乃有兇身之納供是乎矣
獄無兩犯事有雙立獄情到此轉益疑眩倍加審克乙仍于
檢驗次洪辰用屍身擗置于光明處先為乾檢次用法物親
手按摩仰面改右胎膊微浮右肱骨節違折血瘡周匝至于手
腕浮高若未破之膿瘡毒氣畜積按指堅硬不可以分寸量
搖之則随手搖之隱隱有響兩手腕血瘡周匝間有胞起
是乎乙遣右乳稍下肉色微紅微青按指柔軟是乎乙遣右腎囊
下皮磨脫狀如橡隻按指則稍堅無硬卵子浮高按指則柔
軟是乎乙遣右膝內邊稍下有紫黯處一處狀如梨葉按指
微堅是乎乙遣右臍脇正中有皮綻作痂處壹處狀如棗葉左

臚臚稍下有皮綻作痂處壹處狀如橡隻
是乎於合面段右
肱肘骨節違折血瘡周匝右手腕血瘡周匝
而手背有皮磨
作痂處無數是乎乙遣右腿肚紫黯浮高
按指堅硬是乎乙
遣右脚踝右邊有血瘡肱起處無數是乎
所以其許多之傷
處有難必死喝起之處是乎矣論其要害之
部位則右乳稍
下肉色微紅微青按指則柔軟不可以緊
重言論是乎於腎
囊下皮磨脫狀如橡隻按指則稍堅卵子
浮高此足為致命
之一端按諸法文既無上現之執症則亦
不可以此起疑是
乎遣至若右肱肘前後被縛棒打之傷處
如癰痕作痂血點
乾粘處不可勝數而甚至於骨節違折屈
之則屈伸之則伸
隨手搖之隱隱有響實為致命之傷處而
縛懸時不擇部位
而木棒亂打之說林金兩證前後之指一
辭同然是乎遣亂

打之木棒折為三段而洪辰用被打後致命之說朴昌漢渠
既自服訖不喻謹按法文四縫註他歇處傷重亦即死又按
被打死條手足折傷亦可死且口眼開髮髻亂衣服不齊整
兩手不拳肚皮不脹等形症節二洵合於法文乙仍于實因
段以被打致死懸錄為乎弥蓋此獄變出於夜八人家之事
而朴昌漢捕捉洪辰用而詰責也隣家之金應九適在其傍
亦為助勢共打是如可朴則曰金先手犯金則曰朴先手犯及
其縛懸棒打也金應九之弔掛并力木棒同打之說出於朴漢
之招則實難準信質諸緊證之林才祿則甘聽金應九子德
忠之言一直誣罔是如可及其頭質之庭渠既吐實則果如朴昌
漢之招別無異同然則金為首而朴為從可乎以朴昌漢之招論之渠既毒
打致命云則朴為重而金為輕可乎首從輕重之間甲乙指定然後生死無冤是如乎

大抵論其首從朴昌漢則實由於渠妻奸淫之事也金應九則卽不過隣家親切之誚也金雖先犯用意也歟朴雖後犯其念也毒則不可但以誰首誰從分別者洪辰用之致命必由於重不在於先輕重已判首從奚論僉除良者證林金兩漢之招俱曰朴昌漢之縛打洪漢也不擇部位而毒打甚至於木棒斫折是如是遣金應九則先為一次批頰繼有一次足踢而縛懸時兩次棒打之說亦出於林才祿之招是乎矣叅互事狀想像光景朴重金歟斫然無疑朴昌漢段以正犯論斫金應九段以干犯懸錄為乎殊哀此洪辰用設靡室靡家且傭且賃者酒貪色不思老母之孝養踰牆鑽穴罔念古聖之訓戎與村女而黃昏為期八人家而半夜被捉買糖慌惴之說寔出於粧揆乘醉潛奸而來可見其實吐達彼悍毒之木棒

以若壯健之氣質不敢出一口而發明惟從其指揮而納俦
雖無登時捕捉之跡難免無故夜入之責情雖極慘死固自
速是乎弥克彼朴昌漢段本以客鄉孤子之踪即寓邑底商
賈之漢家有少婦宜其鼓瑟而和樂外村作妾恒多治產之
不顧在家火出村多難禁鴉奔之行飲酒歸開戶入始知犹
吠之跡累以嫉妬之心乃有詰責之舉執其頭髮而批颊足
踢絀以毛索而懸桿棒打不擇部位而下手猛毒無過幾日
而殘縷殞絕究厥情節已極兇殘是乎弥金應九段性本狂
獷事多鹿率他人之宴曰梨曰柿自是伎倆隣家之闔孰是
孰非視若能事門外雖有惹鬧之聲固當閉戶而靜坐夜半
知其奸淫之事何必廣幅而叅干以昌漢而言之則本非姻
婭之間與辰用而論之則曾無宿昔之撫淫奸與盜賊於渠

閔何捫髮而批頰自我先下此雖出於客氣之所使烏能免
其助勢之指目想像伊時情境昌漢則內懷掩跡而聲音逶
送應九則胡為先加批頰而挑激彼愈究厥罪狀令置重辟是乎
旅干連金台史段家在通衢那無送目之態夜多獨宿每切
懷春之思頻數往來可見月初袷衣裁給之事殊常蹤跡莫
掩夏間苾幕同坐之狀初次納供之糲撲無怪羞愧之居先
再焉無敢以隱諱其奈真贓之露出和奸之說渠既自服令
置重繩是乎祇看證林才祿段既與朴昌漢同居一室則居
常纖細之事無不洞知能除良况祇伊夜毆踢縛打時光景
終始叅看是如可初再三招則甘聽金應九子指囑之說一
直誣罔是如可反于頭質之庭始乃直吐使此莫嚴之微情
致有眩亂之境不可無懲是乎祇金成仁段抱病老物一從

所見而納指則別無苛問之端是乎旆屍親庫台史段年老
病纏亦無更問之端詞連黃學云尹公瑞醫人朴希善等不
必更問故并只捧單指為乎旆元在化段始出於面質之指
當場對質歸正故不為捧指為乎旆同屍體檢驗後還置房
灰印封標定軍人守直令是乎遣天字號勘令書填如法分
上行亮本棒使之拾來則只有兩段故圖畫上使砧杵雖
有屍親之現納行打之跡既無諸指之可證故不為圖畫為
乎旆正犯以下諸罪人并為拘囚以待覆檢而覆檢官以文
化縣令請移舉行為乎旆縣監自此還官緣由并以牒報為
卧乎事

題旨內覆檢狀憑考次屍帳捧上向事

壬午九月初四日

覆檢官文化縣令金石根跋辭上項致死男人洪辰用屍體依

例覆檢後還置旧房灰印封標使其面里任逢授守直為字
弥屍帳三件良中地字號勘合書填一件給付屍親一件該
郡上一件粘付上使為在果大凡斃歿兩漢同打一柩首
從之別眾損已著屢覈輕重之分此微段行露之跡綻露半
夜之深終風之暴傷風兩主之間曾多得眼之行為稚子而
忍憤便作縛臂之懸奈隣人之同打壯丁之命僅延五日甲
乙之辨尤倍十分是如乎及夫開檢多用法物翻轉洗滌是乎
則遍身腐爛消化即是秋氣方暝檢經多日之例症也右脰
膊貼皮微紫右手腕血瘡周匝右膝內邊色紫左右臙朋皮
磨處許多右脰肘血瘡右手腕血瘡俱是亂打之形症是遣
最中右臙朋紫黯骨折處血瘡周匝按指搖二有響不可量
其分寸是白乎所謹按無冤錄被打條有曰手足折傷亦可

死其痕周匝有血瘡實因條曰傷處幾處只指定要害一處
又曰兩人則一人償命一人不償命舉證指而察其形症定
形症而合乎法文則可無冤枉者也手散口開形症昭合法
文乙仍于實因段以被打致死屍帳錄上為白乎玆哀彼洪
辰用和奸人妻看作能事孽由自己不足深誅者傷纏遍身
殞非其命吁亦慘矣噫此朴昌漢段作妾居村置妻邑街或
往或來長時空家無冬無夏狂夫窺隙深究昏夜叱責內庭
迥別登時現捉奸所結縛掛標元非私門之刑以棒亂打自
陷非法之科人命至重獄體莫嚴難貸非法之犯已輸自服
之款故正犯段以朴昌漢懸錄為乎玆金應九段莫知昌漢
言責遂送之意挺身突出執髻毆打猶為不足助勢縛懸
拾折棒而毆打者究厥所為惟浮於昌漢是乎矣一獄兩犯

在法當慎故金應九段以干犯論斷為乎旅金召史段渠夫
作妾各居邑村則每切綠衣黃裳之歎因念鳴雉求壯之行
辰用死於非命昌漢陷於重辟者一則金召史也二則金召
史故以干連懸錄屍親洪辰化心切割半之痛庫召史極鳴
喪明之冤直指本夫欲為報復實出真情是乎旅林才祿金
成仁等闖閭當場始終叅看者故合置看證之目獄事究竟
別無可問之端或捧算抬再抬而止為乎旅行亮松木棒兩
段圖畫干犯及干連并為牢囚詞證以下諸罪人姑為拘囚
正犯段具格還囚該郡獄縣令自此還官緣由并以牒報為
卧乎事

題旨內屍帳捧上是在果此獄段變出共犯必當首從之辨
別事由潜奸要盡情法之究閱是如乎蓋犯有先後打有輕

重毆而不分誰某則先犯者當為正犯受傷也的有公證
則重打者亦為正犯而今此先倡者應九也繼起者昌漢也
同力而縛懸合勢而棒打苟究其所為不可以差殊論斷是
矣第以證扣觀之應九之先犯不過批頰昌漢之重打至及
遍身應九之棒止於數次昌漢之棒折為三段則其下手之
猛毒用意之凶悍於是乎判矣且天下萬事不出常理之外
人奸我妻賊既親執則倫義所在血憤斗起不恤其性命不
擇其部位必欲甘心者即其常理也以此推之昌漢之為正犯
更無可疑正犯之抵重辟在所難貸借使自為之解說其亦
何從而得免雖然莫越者法律也可議者情跡也其在欽恤
之義豈無原恕之端謹按 皇律有曰凡妻妾與人通姦而
於姦所親獲姦夫姦婦登時殺死者勿論又曰凡夜無故而入

人家內者主家登時殺死者勿論其已就拘執而擅殺至死者杖一百徒三年噫彼洪辰用因念樊園之戒暗作鑽穴之行夜已闌矣燈已滅矣內房之八目擊既的中毒之醜首實無餘想像光景無異奸所則登時即斃理所固然數日延緩事亦幸矣是遣無故而入猶屬可殺有意而入安得不死然則辰用可死而死昌漢當殺而殺揆之律文容有可議然而此與獲奸慝有其間從而擅殺自有當律其在重人命嚴獄體之地亦不可遽然全恕兩檢官約日會同上項朴昌漢嚴刑一次捧批報來為旃金應九段全昧隣闔之開戶反惹額波之助濶縛之打之無往不叅究厥所犯與昌漢二而一也縱子暗囑尤見真贓而特以事有主賓獄無兩債縱免正犯之目焉違從之律嚴刑一次取批報來為旃金台史段恣行不義馴致此變禍胎也由渠厲階也由渠亦嚴

刑一次屬官婢是遣林才釋段甘聽德惠歸辭証拊以致獄情之
眩亂者習固可痛法所當懲亦嚴刑一次并與餘外諸人一體放
送屍體出給埋瘞之意初檢官良中並收移施行向事 壬午九月初六日

信川李名史

正紀趙宗云
實因被刺死

初檢官信川兼任文化縣令金石根跋辭內今此致死女人
李治史屍體依例初檢後還置舊房灰印封標使面里任逢
授守直為乎跡屍帳三件良中天字號勘合書填如法分上
為在果大凡殺越之變情態萬狀易則多疑二則多難若或
一毫差爽幽明俱寃所以十分審慎是如乎此獄段予誘青
寡而逃縣禍已成胎母傷白刃而致斃魂亦舍寃地雖接壤
格式載屍何移置強弱辨異詞證縱日俱備傷處亦甚不
重驟看外面以若痕損似非當場致命是乎矣歟書有曰傷

處雖不重部位係要害則執定實因此不易之理云二分比
不喻手有迎刃之痕法文自歸吻合項無纏繞之跡縊死杓
非疑眩今茲屍首瘡口不齊其痕方圓等形症實合刃傷條
乙仍于實因段以刃傷致死屍帳錄上為乎旅哀此李治史
家貧資生每切取婦之意鰥居獨宿不勝憐子之懷緣彼誘
引惹此爭鬧曳去數帳之地猝被一瓦之刃遂使強健之女
遽作奄忽之鬼吁亦憾矣噫彼趙宗云盤居大村無非眾趙
執捉老婆竟成殺越莫曰抵賴檢帳昭著焉追正犯證招湊
定刺之踢之莫掩人情之猛毒繫之棄之難誣天日之孔昭
遐俗改適不是異事有何血憤以至此極渠雖百喙豈敢一
辭發明正犯段以趙宗云懸錄為乎旅李銀成段雖曰屍親
此獄苗脉由渠而出則不可以曲恕是乎矣其為人菽麥不

辨者是乎旌趙基煨丁奉訓等段當場光景俱是目覩故置之看證趙台史段與宗云雖為叔侄始終叅涉故亦置看證柳台史段以寡改嫁容或無恠而夫死五六月潛自作夫無難逃避以至殺變之舉所為極甚無據是乎旌柳女及趙良化段屢出招辭俱非緊證故並置詞連頭民趙云五洞長趙丙廉等段獄事何等嚴重因念格式但為洞弊屍體自意移置究厥所為誠極痛惡嚴懲杜弊在所難免是乎旌死女之幼婦柳女之親父銀成之第四子雖出供招柳女之父段居在他境幼婦與四子段年未成丁故俱不得取招為乎旌各隨緊歇或捧三推或捧初再招而止為乎旌正犯趙宗云段具格牢因該卽獄餘外諸人并姑拘囚而覆檢官段以長連縣監請移舉行以待處分為乎旌行兇刀子依例圖畫上

使而不得拾納故仍為置之縣令自此還官緣由并以牒報為
卧手事

題旨內覆檢狀憑考次屍帳捧上向事

壬午九月二十三日

覆檢官殷栗縣監李建膺跋辭內前件致死女人李台史屍
身依例覆檢後屍帳三件良中以地字號勘合書填一件給
付屍親一件官上一件粘付上使為在果大凡檢驗之要
實在審慎之道或詞證俱備而實目不明則可疑也實因現
著而詞證無援則亦可疑也至於傷痕不至深重詞證無所
指的必須斟量揣摩起疑而無疑然後乃可以折獄是如乎
此獄段走去一惟之地命絕半夜之間苦拍證拍不見明的
刺痕勒痕都歸依微且有犬溺桶擲打之說而遍體火無現
形乙仍于同李台史屍身洗晝半晌藥物多試注視十分親

手遍摩是乎則頰下喉上之刃刺處帶勒痕俱為此屍之最
緊骨子而刃刺雖曰淺小部位係是要害帶勒非無現著形
痕不至周匝而李女之死既云此夜則死於刃可乎死於勒
可乎參互伊時事狀想像當場光景趙宗云含憾柳婦之事
起開李女之家違限而不得推來所噴難追因怒而恣意打
破其勢誰敵備經一夜苦楚不覺三魂飛越捨命鼠竄口鼻
焦燥逐風虎哮手脚謊忙李女是時因在壞心氣已耗盡亮
刃忽來手迎莫過殘縷縷項勒交加事之亮惺惺至此極
李女之命絕於行刺時無疑分比除良亮身之於刃刺項頸
之一節便同輸款口開手握等症隱合於法文是乎所實因
段以被刺致死懸錄於屍帳為乎旅趙宗云段纔見侄子之
慘繼有侄婦之逃悲憤所激惹開無恠若使定限推來何不

從容做去打破人家可想其氣焰逞兇曠野甚怖其景已
手有迎刃之跡行刺莫掩項過勒帶之痕殘忍亦駭使此無
病之人化作死時之魂吁亦慘矣噫其兇矣宗云之於此獄
正犯無容更議而况渠自吐實者乎趙宗云以正犯錄上為
乎於宗云之侄婿趙基煥及侄女趙台史段伊夜同往其家
雖有助勢之跡至於殺越當場了無參涉之事故并置不建
之目丁奉訓段初見走逐之狀而已無所證於行兇節次是
乎矣此獄公證惟渠一人故不得已以看證錄上柳台史段
未幾崩城之痛甘作踰牆之行事既悖戾語亦靚陋趙宗云
之悲憤轉激李台史之獄變由起究厥禍胎卽此柳女嚴懲
悖俗斲不可已是乎於移屍之習誠可痛矣變出於趙哥
村裏昇來于李女家中村雖接壤地係他郡而補有洞弊行

此非法該洞頭民等不可無嚴懲是乎玆行亮刃子既不拾
納故不得圖畫上使為乎玆上項正犯罪人趙宗云段具
格嚴囚于該郡獄餘外諸人並姑拘囚後縣監自此還官緣
由并以牒報為乎卧事

題旨內屍帳捧上是在果獄情之疑眩檢驗之疎忽未有其
於此獄是如乎無論自刺與被刺二在於咽喉死在於當下
者痕深分寸絲斷食氣即法文所論而今此兩檢案中刺痕
之或為一寸或為五六分皆指其斜長而不及於直深則其
刺之不透食氣也審矣而其死也在於當下此其疑一也刺之
足可致命勒之亦可致命而刺之未及死加之以勒死則是
死於勒而不死於刺也似此之地惟以傷處之輕重當為議
讞之權衡而其刺則不甚深透其勒則宛有青痕此果刺死

乎抑亦勒死乎此其疑二也勒之於生前則血脉流通而有痕勒之於死後則血脉不行而無痕理之常也而覆檢案中有一日自左至右青痕橫過其生前之勒推可知矣然則刺之不死而又勒之乎勒之不死而又刺之乎孰先孰後無以辨別此其疑三也初檢則曰領頰左邊有刃傷痕一庫喉骨上有刃傷處三庫覆檢則曰領頰下有刃刺處二庫云者何若是相左是喻此其疎忽者也手之起收痕之淺深即刺死之最肯緊而兩檢都無辨論此其疎忽者也覆檢則有勒痕而初檢則無之此其疎忽者也兩案反覆九疑轉深將何以洞劈歸正是乙喻蓋按獄之法痕損主之詞證次之而今茲屍首之曰刺曰勒不無眩惑有難確信則其所以憑信而決折者惟在乎證指而初檢時趙基煥之指曰宗云無數打踢又以

刀行刺項頸至於殞絕以木腰帶繫頸曳棄于洞浚丁奉訓之
詔曰以刀子行刺項頸至於殞絕浚以木腰帶繫項曳棄于
洞浚田畔及夫頭質之庭節二面劈丁寧立證亮供亦曰三
次刺之此即輸款者也借使刺之而勒之刺至幾次命已垂
絕則寧或以勒後於刺歸之於勒况弥青痕不著於初檢而
始著於覆檢則其勒之不甚緊痕之不甚重亦可揣得而指
肚有迎刃之跡瘡口多不齊之症屢回商量十分周度終不
可捨此而取彼實因之為被刺無容更議初檢察亦以此釐
正屍體出給埋瘞為弥趙宗云段從婦淫奔雖甚羞憤作黨
巷鬧是何乖悖打踢之刺勒之惟意逞毒期於必殺乃以自
縊之說敢作掉脫之計者惴惴焉竊謂胡至此極而檢官約日
會推以別刑杖箇二考察嚴刑一次期於得情為弥柳史

段甘作踰牆之行致此連獄之變言之醜矣合有嚴懲亦嚴
刑一次定屬官婢李銀成段尊由自己禍及老母不可以屍
親有所曲恕亦嚴刑一次該洞頭民等之擅移屍體有闕後
弊并嚴杖三十度兩檢刑吏之許多疎忽罪難容貸各嚴刑
一次并與餘外諸人一體放送趙台史段不無證嫺初檢案
亦以干連釐正之意初檢官良中並只枚移施行向事

壬午九月
二十六日

海州

崔周默
李名史

正犯姓名不知賊漢
竇因被刺被打死

初檢官海州牧判官朴齊近跋辭內獄段變出半夜亮身旋逃事
在孤店證眼未具雙屍並檢果有各殊之痕苦主請償實無
指的之告鉤鉅無術疑晦轉深是如茅第以檢塲所見叅互
伊夜光景破戶而害人開橫而偷物者顯有剽奪之跡而若
謂賊漢之行亮賊是何賊其或投宿之客歟抑或他來之賊

歟哀此崔周默與子分門率妾坐街閱看黃昏之投客豈意
黑夜之劫舍客既安歇於內室主亦同寢於其所虎被客于
本以剪運之徒熾發貪貨之慾夜已深矣謂此時可乘聚未
戶外之衆石先防不虞之患偷開橫門驚起洞房之主婆開
間門而聲張則賊亦驚惴攫取已儲之石打之又打亂石取
撲門既破碎人亦遽殞于斯時也周默縱有可敵之勢禍起
於夢寐之中計拙於蒼黃之際擁衾急起由後門而越短牆賊也
取其住房之長槍趕到於家遶菜田畔刺之打之至使無病之
軀未免當刻仆地此固理勢也光景也噫貪貨戕殺縱或有
之物非重寶而戕害全家之命者古所罕聞今始初見想是
投宿之時既為面熟則慮有後患期欲滅口之計是乎加喻
今此崔周默屍首之狼藉痕損無非刺打之傷而或為皮破

骨露或為肉綻骨裂俱係要害之位致命之傷也刺多於打
刺重於打分此除良腦後正中之皮破及稍左邊皮綻骨裂
橫斜之分寸尤係重大而皮肉緊縮之形症脗合於法文刃
傷之論故實因段以被刺死懸錄李台史屍首之左額角眉
叢上肉綻骨露及腦後皮圻骨露處圍圓之分寸如彼潤大
矧茲屍口開髮亂手不拳溺汙衣內等形症有脗於法文所
論乙仍于實因段以被打死懸錄為乎旂兩人之死由於逢
賊斷然無疑而何許客投宿之狀已有三言之目睹搜着衣
冠半夜逃躲者尤見真贓之莫掩正犯段以姓名不知賊漢懸錄
而今方多發校卒另加譏詞所失之汴物莫知其寶數故周
默之衣服物色與賊漢之所脫衣冠物色分此別具錄上賊
漢之衣冠段姑為逢授屍親為有在果特為發 甘各鎮營

不日捉得事

行下教是乎旆屍親崔三吉即發告者而因病

不待故未得如例取拍切隣李賢守段崔家邊有僵屍之由
傳奇於三吉者故兼置詞連為乎旆切隣崔仁默崔禹京尊
位姜元奎執綱金明西頭民崔永默等段別無可問之端故
並捧再拍而止殺事報牒何等慎重而都尊位姜元奎之初
不修報者後弊攸闕不可無警聽其所供容有可恕是乎旆
行兇器仗段有接之石塊九箇散在房內想是以此行兇衆石
之中難以指的所折之槍柄縱云拾得於家邊竟無其刃並
不得如例圖畫屍帳各三件良中天字號勘合書填各一件
官上一件給付屍親一件粘付上

使為乎旆西屍體段

掘坎假埋灰印封標使里任守直應問各人逢投校卒而蓋
此獄事逢賊無疑屍親請埋覆檢一款恭俟 裁處為乎旆判

官自此還官緣由并以牒報為卧乎事

題旨內屍帳捧上是在果殺越之變從古何限而冤家之切
慘至酷克身之極惡絕情豈有甚於此者哉孤村居生不過
兩口之相依半夜遭變有非隻手之可敵暗地戕殺縱無
證眼檢場傷痕俱繫駭目近十箇稜石散在房內則石打之
光景可想折兩段槍柄拾得田畔則槍刺之痕損無疑今
此除良大門之平明仍開實非外人之闖入短牆之閃忽越
去豈無主翁之追趕今以常理揣度衆諸當場舉措則伊夜
投宿之客明是打劫之類瞰主婆之驚起既盡力而石打忌
其夫之趕到乃回身而槍刺崔周默之被刺致死李占史之
被打致死實因段無容更疑是妳一客乘昏寄宿未有來去
之人全家同時并命更無推諉之虞賊漢之為正犯斷然無

疑是如乎慘毒如此獄惴惴如此賊而半夜逃躲未即施償
命之律尤極痛惋今方設甘各鎮營使之刻期跟捕是在果
亦自本邑多設校卒期於不日捉囚是遣獄情更無餘蘊覆檢不
必舉論屍體并令埋瘞應問各人亦即放送而檢案中有一
書墨抹二字而不為改正者揆以檢案所重不可不釐正不
能審慎之該刑吏為先別附過向事
壬午九月二十七日

海州

韓元三

趙致明

韓元三寶因被打死

正犯趙致明

初檢官海州牧判官朴齊近跋辭內蓋殺越之獄未嘗無疑
而疑莫甚於此獄惟此韓趙翁婿之義分自別贅居之恩愛
亦深護黨縛寡始若奉晉與衆被囚終成楚越竟彼致明性
本恃戾身且貧窮擔費則移怒於內子失妻而歸咎於外舅
乘憤謀醉乃是恃類之氣習深夜作梗焉有傍觀之證據狂

藥伐性客氣助膽毒打側卧之元三手勢既猛要害奚擇反
其幻婦揖孫之來救也取鎌亂刺雖不至於殞絕隨刺傷重
固其勢也致明如癡如狂轉到內房酒氣動勦心神迷亂遺矣
吐酒稍定神思自訟厥愆死無足惜與其生而受誅寧欲溘
然無知仍舉短鎌輕判自裁此固光景之大畧而夜深僻村
變出不意者叅之證眼莫憑事因之詳畧易錯以此情跡之
疑似有難臆料而執定是乎矣二達往見之時致明執鎌額
卧者驗是自刺則刺傷兩人者非執鎌者而誰也刺其兩人
之際亦豈無行打之舉乎行打時用以何物雖無若主之指
的數三箇木枕在枕屍傍則其或以此行兇是乎喻被傷之
子婦與孫兒伊夜爰像可以知得故屢次詰問氣息奄奄言
語不通是乎耶元三屍首喉右邊及項頸微腫色紫黯分寸

潤大咽喉速死之處也受此重傷豈不立斃乎謹按無冤錄
四縫條有曰若分寸深重毒氣紫黑即時向裏可以當下身死
矧茲屍口開手不拳肚不脹溺汙衣內等形症實有脗合於
法文乙仍于實因毆被打致死懸錄為乎弥趙致明毆執鍊
而卧决非他人之刺而既無鄰保之立證只發於苦主之招則執
此斷案不無却顧之端是乎矣喉骨正中皮破肉綻橫長五
分深為三分而皮綻向裏鮮血流出且口眼合右手灣曲肉黃
等形症脗合於法文則實因之自刺致死無容更議而孽由
自作復誰惡尤屍帳一體修上以備八鑑為有在果渠以年
少乖悖之漢擔徵邑費宿憾已多又失家妻新恚層加不思
反求乃肆瘳毒使此無病之甥父竟作含冤之泉魂倫紀攸
闕宜亟按律而遽判自裁王章莫伸究其情節死有餘罪

以正犯懸錄為乎旅屍親韓二達段避俗雖曰蠢質率聚徒黨
欲取守貞之寡女馴致殺越者極甚駭惡不可以屍親有所容
貸是乎旅許行官吳致三等段先見元三之死傳奇於二達
而當場光景既不參看故並置詞連南五長許長連水吳岐
來韓履文等段亦置詞連而許長連水段與二達隨衆助虐欲
取寡女者其在勵俗不可無懲是乎旅詞連南五長吳岐來
韓履文及三切隣頭民等段別無可問之端故並一問再問
而止李德好段令前出他韓用默段病未來待趙致俊段隱
避不待並不得取招致明之妻韓召史段縱有其夫之肆毒
不思承順之道遽然逃躲致此變舉萬二痛惡是乎旅元三
之妻李召史段為探女息之蹤跡出他未還被傷之李召史
韓殷教等段申飭屍親使之調理其傷處并為摘奸後別具

錄上器仗段數箇木枕舖在屍傍既無屍親之指告故鑰子
分此圖畫屍帳三件良中天字號勘合書填各一件官上一
件出給屍親及面里任一件粘付上使為手跡兩屍體段
并各掘坎假埋灰印封標使里任守直應問各人等逢投校
卒而檢痕昭著正犯自裁覆檢一款恭候裁處為手跡判
官自此還官緣由并以牒報為卧事

題旨內屍帳捧上是在果此獄段翁婿之我死大閔倫義之
變挺刃之打刺傍無參證之人似此疑晦之地要盡審克之
方而韓哥之命遽殞於一夜周匝之痕恰過於一尺且其一婦
一兒之同被重傷若是孔酷則行兇之有人其亦明矣而噫
彼趙致明者胡為乎刺其喉執其鑰卧在於內房是加喻第
以供抬默想光景所謂致明即一至山絕恃之物也訟費橫

擔旣由二達之事率妻見失又激一時之憤重之以狂藥迷
魂麀氣助膽突如封豕豺若獠犬不顧分義之重恣行毆打
之舉于斯時也夜已闌矣隣亦孤矣覓女之妻不歸就訟之
于不來則有誰叅看有誰挽救而在傍之弱媳幼兒直不過
蟻援而螳拒矣鎌之亂刺隨而昏倒即其理勢也而一死二
傷宛在目前則致明也渠亦人耳雖曰悍戾之種詎無恇怯
之心彼命已絕我命當償明日之喫官司法所難免此身之
備苦楚生亦何為於是乎如狂如癡且動且勦一轉而為并轉
而刺喉揆之常理斷然無疑則元三之被打死致明之自刺
死實因有歸獄情無蘊檢不必覆屍並給瘞是矣致明之以
若躬犯先隄首領幽冤莫洩王章未伸者尤萬二痛惋是
遣韓二達段縛取節寡已是恃習馴致殺越尤擊同赦此不

可以屍親有所曲恕為先嚴刑一次取招仍因報來為旅許
長連水段跡著隨從法所當懲亦嚴刑一次並與餘外諸人
一體放送是遣韓台史段逃避其夫禍及乃父不可以鄉曲
女流全然容貸期於跟捕嚴懲報來宜當向事

壬午十月十一日

平山趙君成

寶因自割死
被害

初檢官平山府使任永準跋辭內前件致死男人趙君成屍
身依例初檢後宙字號屍帳三件良中勘合書填一件官上
給付屍親一件粘付上使是在果大凡殺獄事體多端情
態萬狀如其一毫差謬莫可三尺斷案是如乎此獄段始開
起於白地酒氣方濃終變出於昏夜情跡可疑室中之闖憑
問無階路上之屍參看有的以刀以鎗器仗不一自割假割
真贓畢露引律之際不得不尚嚴服念之地不可不審慎同

屍首移置通明處詳細按檢是乎則肚腹臍下之七處戳痕
深纔為分各自不同項上髮際之兩處割痕長各一寸三分
深各一分而傷不甚重皮不緊縮色甚乾白肉內無血此
非生前所傷明是死後加刃是乎乙遣至若喉骨當中割
痕潤大食氣俱斷左輕右重長為三寸四分深為七分而口
眼俱閉面愁眉皺右手軟左手直誠銀釵色不變等形症節
符合於自割條法文故實段以自割致死懸錄為字旌實因首
割雖是分明死後之加刃伊誰作俑左右盤覈反覆鉤詰則
君成家雇工兇高興吉招內君成之弟汝正來見其死持來
鑰子兩次割頸四次戳腹是如是遣其侄婿梁巡艾招內汝
正兩次割頸三次刺腹之狀亦為目見是如是遣汝正所招
內欲為嫁禍於春日果作假傷而發告是如為有乎所加刃

於死兄之屍是豈可忍指讐於無辜之人抑何無良評雖出
於報仇罪難逃於傷倫罪闕傷倫照法勘處斷不可已是乎汝
噫此趙君成嗜酒本性悍毒其人提起嚴哥之事乾做春日
之答而暗售悍毒潛施刎頸不意光景當場危怖于斯時也
君成之兄與弟妻與婿次第來到結縛春日威脅備至為春
日者猝當此變因知所措脅而無辭縛而順受薦地橫逆無
處可暴與其生而鍛鍊不如死而無知取刀暗刎血流狼藉
其子其妻含冤瞋目反欲復讐則所謂君成恐有反甬之禍
振起跳出走往渠家推鑰加割仍死路傍究其心則亮且惺
矣語其死則吁亦慘矣是乎汝趙春日段性素順良人且老
成於君成有隣比親知之誼而伊夜所遭無中生有既不與
之言詰又無與之手犯是乎乃屍身受置苦主指告故以被

告懸錄為子旅趙允成趙汝成段死者之兄也梁巡艾死者
之女婿也故并以屍親錄上高興言段死者君成雇工也而
君成自割之狀汝正加刃之事丁寧目擊斃然納招故以看
證懸錄閣永官段君成往春日家自手自刎之後傳奇於屍親
故以詞連懸錄秋致元段居在北隣屍橫門前始終事狀必
當詳知而深夜因宿翌朝見屍數語酬酢別無所知故以切
隣懸錄執綱李圭五頭民韓興教風憲李圭會以任名待令
故并置色掌名目為子旅趙云成趙云英林德石林直伯等
段雖出各招而事後逃躲故并不得捉問君成之妻與女春
日之子與婦屢出各招固當推問是乎矣俱係證嫌并一次
盤問而止是乎旅君成刎頸之刀子鑰子圖畫上使而屍
體依初掩覆還八舊房仄印封標定軍人守直為子旅今此

獄事卽請覆檢舉行之不暇而死者之自割屍親自告死後
之加刃奸狀已露獄情到此火無可疑分此除良屍親輩亦
請免檢是乎乃獄體至嚴有難擅便覆檢一款以待 處分
為乎弥諸罪人拘留檢所府使自此還官緣由并以詳報為
卧乎事

題旨內屍帳捧上是在果此獄段凡死而第為之加刃事理
絕悖主死而雇為之證案疑晦始劈是如乎蓋自割其喉率
皆一刺而止者直以血氣之類莫不自愛其身故旣割旣痛
更不能再刺三刺而然也今此君成割痕之咽喉一庫髮際
二庫刺痕之肚右六庫臍下一庫傷損若是狼藉手勢似非
自辦此所以汝正之謂以被刺欲為嫁禍者也然而肚臍則
膜不透而痕不深不足為致命之端髮際則皮不縮而血不

出不可曰生前之傷則汝正之虎毒自歸於反拙至若咽喉
之分寸濶深食氣割斷即係速死處速死傷也斯豈非伺所
謂自割其喉一刺而止者乎茅以衆指觀之噫彼趙君成性
本極悖酒又成狂故尋無根之前塵惹起騫地之風波乃以
恐嚇之訃暫作自刎之舉反夫春日之手刃自毒冤家之血
讐必復則反生惟恟遽欲先發突然而走霍然而刺乃女知
之而聲張其兄見之而奪取未及數步斷送一縷形症既皆
吻合證指亦甚的確實因有歸怨尤無人檢不必覆屍即出
瘞為弥趙春日段居鄉也素稱良順當場焉毫無詰問不可
以汝正之空然指斥歸之於被告之目特為放送使之善撰
為弥趙汝正段亦一虎譎悍戾之物也敢以陷人之訃亂刺
已死之兄是可忍也孰不可忍也證既無疑渠亦輸款傷倫

敗常莫此為甚此而不嚴加勘斷法將何施為先以別杖嚴
刑一次取招牢囚報來餘外諸人並即放送為祿檢報年月
行下不為具啣控為疎忽此後段別加審慎向事

壬午十月二十五日

信川李台史

實因被訴
正犯李太星

初檢官信川郡守沈琦澤跋辭內上項致死女人李台史屍
體依例初檢後移置于李太星家房中灰印封標逢授守直
為乎弥屍帳三件良中天字號勘合書填如法分上為在果
大抵罪疑惟輕雖聖人好生之德而殺人者死乃王章不
刊之典也然真贓未執而鐵案遽成私意或難而金杵終差
則詐偽者可欺以方而有免脫之術孤弱者不能自伸而遇
鴻罹之厄可不其難而其慎乎至若情跡亮恃無一分可恕
之道證左分明無一毫可疑之端則所謂殷民之罔不懟也

何待臯法之三曰可乎此獄根因段狂童生踰牆之心雀角穿
屋貞女奮擲梭之手螳臂拒轍男悅女耽初非期乎素中邱
中禽心歟行乃不顧夫水裏火裏淫慾未遂還怕當頭之患
惡膽斗起反生滅口之計毒手不憚於亂刺弱質豈全於重
傷被刺之處俱是要害而深八無不吻合於法文故實因段
以被刺致死懸錄為乎孫李召史段親母詠凱風之詩在家而
怙恃靡所夫家之擔石之儲適人而生涯何樂以蚩氓女縱
無禮法之學習得秉彛天猶有貞潔之心志結福佳姻只有
好令之情褰裳陋行本無疑似之跡忽因亮漢強暴之患遂
致芳年殞絕之冤殺死不怕於中夜豈貪螻蟻之命節烈無
愧於古人能判熊魚之義悲哉青年之女遽作黃壤之鬼花
殘柳摧一春之韶華永謝雲消雨散三生之佳緣長斷偏安

切絕續之悲猿腸欲絕愚夫抱窮鰥之愁鉅足何依哀景狀
之極為慘惻嘉貞信之大可褒尚是乎旌李太星段以牧牛
懷果之童有狂蝶探花之心壯年未屆於有室蕩情已萌於
鑽穴伐柯吉姻不待父母之有命慕艾妄想每思男女之私
通見李女之年少常存纏繭之心乘漆夜之更深遂為突如
之八始不顧族親之別與禽犢而何異終欲遂狂暴之行謂
暮夜而無知既情欲之不遂乃殺心之驀起據理叱責宜自
悔於噬臍發憤砢刺胡寧忍於下手神目斯嚇豈暗室之可
欺天理孔昭宜冤家之果報自知直告不免償命故三次取
拒施威嚴問至於對質而一直牢諱蓋因周運掩跡之計遂
致太星藉口之端推諉他賊雖生掉腕之謀參量本事必無
疑眩之端究厥罪犯萬載猶輕故李太星段以正犯懸錄而

本罪之外又有強逼良女之律是乎玆李周運段生長遐外
自是窮村食土之氓性氣懦弱每被軟地押木之侮婚姻孔
云必有家室之樂年紀既長應知夫婦之恩苟有一點血性
當思卽地報讐而始因仲石輩慙患忍為受錢續絃之計後
與太星漢偕行反指離鄉藏踪之術如飴甘言但思貪欲之
心結髮深情頓忘伉儷之義徑先掩土指為賊漢之刺歸辭
告官不念獄體之重及其傳說狼藉掩置不得始乃捉納太
星變辭更告而猶復半吐半吞欲掩自己之罪過前後情跡
極痛惡不可以屍親叅悉合施重懲是乎玆周運母鄭台史
段為子娶婦自有慈愛之情同室治產初無勃谿之言而臨
死指的之說耳聾分明而始往仲石甘聽私和之誘後又牢
諱於官庭欲以掩護族黨疑眩獄情究厥用心當與周運同

科懲罪而蚩愚之村女不足深責是乎弥周運妻母李台史
段其女臨死之言被傷之狀耳聞丁寧目覩的實而相去稍
遠歸家之後更不來往則厥後事端無所聞知揆以事理容
或無惟是乎弥執綱鄭良訥段再次問招所對詳明更無疑
眩是乎弥頭民李昌信洞長李太石等段再招一辭別無可問
而李元植趙召史等段所居稍遠不相往來李召史致死之
由間隣人之傳說無他可問之端故只捧再招而居生同里
故以切隣懸錄為乎弥李仲石段緊出於執綱之招在所當
問而逃走未捉是乎弥正犯李太星段具格牢囚該即獄其餘
諸人並姑拘囚行兇斧子圖畫上使而覆檢一款待處分
舉行伏誅為乎弥即守自此還官緣由牒報為卧乎事

題旨內覆檢狀憑考次屍帳捧上是在果覆檢官以文化縣

令差定該甘回事

壬午七月十七日

覆檢官庫翎監李圭明跋辭內載改狂童無禮匹婦懷貞禍起蕭牆
十手難掩變出昏夜寸舌尚在欲晦於明始也跡掩真贋莫
顯乎隱終焉托出和盤李召史段身無懷璧豈疑綠林之徒
志有介石不愧暗室之神寧為絕纓之古事忍作憾惋之陋
行拒強暴而乍以四知顧軟實而不畏一判白刃星馳何擇
無罪之人青春花飛可憐含冤之鬼情則憾矣吁亦慘矣以
常家女子曾未讀半部內則篇而在於板蕩造次之間能為此
凡人難為之事秉彜之性貞介之節極為嘉尚是如乎同屍
身如法洗滌詳細看審是乎則領頸有被斫處或庫壹庫透
穿口內壹庫圍長六寸伍分深伍分右盆骨下左邊有被斫
處二庫圍長或為三寸或為三寸二分深各四盆骨之下即

近於兩乳也只此傷痕猶不免致命而彼領頸之傷如彼深重則一宿遽殞不亦宜乎蓋斧者執柯而用之仁物也可使侍而斫之不可截而刺之也且相對而用右手擊之宜及於左而今此屍首之左邊受傷其勢卽然殞絕日久變動宜多而皮肉緊縮刃痕之上濶內狹等形症昭合於法文所論是乎等以實因段以被斫致死懸錄為乎徐李太星段壯年未屆浪情何極論其性則禽犢不若究其惡則鬼蜮難近不念中葺之戒妄生火艾之慕乘夜瞰室時適丁於蟻走解衣鑽穴計莫申於蠅汚事如漏跡禍恐及身不思噬臍之悔反生滅口之計常時憤熟之家搜執無私之刃不分要害惟意亂斫遂使一縷之命遽殞三日之內言之者為之努目聞之者無不咄口指讐言不啻再三衆聽亦非一二強逼之罪本律自在

真犯之跡大戮難追是去乙鼓以死中求生之計一直抵賴終不
輸款是如可仲石之緩頰大事已去賊人之藉口巧言反拙
至於再招始乃自首寃厥罪犯畧刻難貸成獄償命斷不可
已李太星段以正犯懸錄為乎弥李周運段不思結褸之義
甘聽續絃之說母之鳴寃認以杞憂婦也報惡視如越瘠歸
之賊還終不實告鄉曲垂氓雖云埋沒傷風敗俗孰甚於此
其在振勵之道不可以屍親有所歌勸是乎弥鄭名史段為
其慙患初焉歸賊而出埋求乃指讐言而發告者雖出於鄉村
女子愚迷之見是乎乃事闕後樊惡不可以全恕是乎弥李
名史段其在母女之情痛實之心宜倍於他而既適人之物也
只從查姑之言任其措處不即發告者此果村嫗迷軟之所
致也不足深誅是乎弥李仲石段因念獄事之攸重只顧門

族之為耻從中做謀始終掩跡是如可事敗情綻之後脫身
逃走究厥所為合施重勘是乎於李義云李若云等段鄭治
史與其子婦問答之際察聽者也宜乎盤問而在逃不還問
成西梁未力李之傑李夏云等段出於所招而或出他或在
逃並不得取招面任及切隣等段別無屢詰之端或再招單
招而止為乎於屍體段還入房內灰印封標逢授面任使之
守直正犯以下應問各人等還授該即將平行兇斧子段依
例圖畫以備 鑑裁屍帳三件良中地字號勘合書填一件
給付屍親一件本即上一件粘付上 使為乎於縣監自此
還官緣由并以牒報為卧乎事

題旨內屍帳捧上是在果此獄實因即被斫也非被刺也斧之
為物可使擊而斫之不可戳而刺之覆檢論斷誠得之矣初

檢案亦以此釐正為跡噫彼李太星即國歡方趾之一禽犢耳因念一門之誼每懷東牆之窺適其時也賀監之夫不來觀賽之姑未還夜已闌矣家亦空矣自謂之此時可乘此機難失暗地鑽穴甘作狔吠之變渾身脫衣勒如蠅汚之辱及夫銑石之矢心莫奪冰霜之貞操難犯則敢以滅跡之計斗起必殺之心挺刃奚擇而随手攫取者斧子也部位不分而執勢斫着者領頸也一斫二斫所之不已遂使無瑕之玉遽作破碎之璧人之凶悍胡至此極吁亦慘酷矣因奸威逼而致死者罪當斬矣凡人鬪毆而故殺者法難貸矣而此因毆欲其強奸戕其族母其與因奸逼死凡人毆殺豈可同日而語哉其在審慎之義至有拙檢之舉而始也抵賴未免欲巧而反拙終焉輸欵快見和盤而托出於是乎狂童當夜之犯

殆無異於示掌貞婦經月之冤殆可灑於既骨可以見天不
可欺而神不可誣矣此而不亟加誅殛將何以慰其冤而伸
其法乎兩檢官仍定同推官為去乎上項正犯李太星身
乙約日會推以三稜杖箇乙考察嚴刑一次期於償命是矣
舉行刑吏及執杖使令姓名修成冊報來以為憑處之地為祿李
周運段頓忘結髮之厚誼甘聽續絃之利說歸之賊殺而請
免檢驗及其事發而猶復吞吐倫義敗蔑獄情眩亂此不可以
屍親有所曲怨嚴刑一次懲礪鄭治史段苟究情跡固當與
周運一例科治而無識村女不足深誅嚴杖三十度分庭舉
行初檢實因之懸以被刺者已是疎忽李義云李若芸等之
在逃未捉初不論列者又違格例該刑吏亦嚴杖三十度并
與餘外諸人一體放送為祿李治史段似此卓烈之行合有

褒獎之舉自官優加顧助使之厚葬之意初檢官良中並只
收移施行向事

壬午十一月二十日

遂安鄭應教

正犯李成欽
實因時病死

初檢官遂安即守金在豐跋辭內苦主輩甘願速埋而獄案決
矣是乎乃其在審克之道不可疎虞應問各人取其緊歇而
或捧再三招尋流窮源緣條採根則諸招中死者病卧也身
熱頭痛四肢切痛惡寒發熱口鼻焦黑血出之諸症及醫術
崔時悅招以時氣所當藥小柴胡湯二貼製給云云者與夫
檢驗也屍首之遍體一無被傷而肉色之痿黃薄皮之間起眼
開口開手足俱伸等形症節二觀合於法文中時氣條故實
因段以時病致死懸錄為乎祔屍身之脊背脊脊兩後肋兩
後脇有肉爛處七處其色或有紅白者或有黃白者故取其

紅白處試以法物良久視之白色尤著次第親手按摩則雖是柔軟疑無不到詰問於屍親鄭致道則所告內小殮之前置諸屍身於熱埃下與致此所爛是如則無容更疑是乎遣噫鄭應教人或有瑕疵胡不為翼蔽避迹林金謗訕李漢謀諸味土唐竹裏書給偽造牌紙計已妄矣陟彼白雲村庄上陰使浪類索錢事極兇焉一時所開殘洞皆驚于斯時也頗有覺者是如喻逮夫奸狀之露就縛而被刑反其哀乞之塲成拷而見放究厥行事死無足惜而伊日五箇筭猶渠一盂飯歸家幾日默無一言者以若奸慝之性能存羞惡之心是加喻如常觀市可知其身本無恙偶病棄世奈之何命自有數死則悲夫誰其惡之是乎歟吁李成欽生來志操若其乾淨處之萬方人誰敢侮林金之偽造牌旨應教之嗾囑橫侵良

有以也而事則無據第於當場峻以責之喻以退之是去乃報
官後以法處之是去乃有一於此豈有今日連獄之舉乎指
使洞人而縛之答之私自捧俦而始乃放送者決俗蚩之良
庸嘖之如今應教生未的病崇而檢或有疑眩病生於相詰
之後死在於辜限之內此獄重科渠烏得免何幸被答後無
恙觀市之拍灼然時氣之致命洞人之供瞭如傷損之毫無
可疑檢庭之見尤章之明矣竊除良元申既請免檢則不可
論以重辟是乎矣既被所告故李成欽段以被告錄上為乎
弥朴光三一番批頰者也林昌順執杖決答者也崔玉必捉
束結縛者也故并以干連錄上朴居三朴成乃等始終參涉
而或云批頰或云縛打合置干連檢前迹解故不得取批林
七星身繫公復出村搦心郎渠分內是去乙伊日鄭家會同

金漢肚皮相連聲氣和應詐稱官屬偽持印紙欲捉成欽而
討索錢兩計反不遂而被刑納拷是如可今於檢庭又欲
推諉者事之奸巧莫此甚焉而此獄徑首出於渠輩故亦以
干連錄上金萬吉捉來次文移于瑞興府矣檢前逃縣不得
捉送是如是乎所右漢所為去並叵測是乎弥白雲時頭民
金得必及切隣金基連等看證也詞連也二而一也而一則頭民
待令一則切隣舉行故並不得雙填名目高永守專計於金宗
洲家故以專計人錄上擔屍軍改高永守雖暫時替擔中路還
歸然渠既有名目能除良屍親輩渠自殮屍擔以往來故並
與殮屍人無以填書餘外諸人並姑拘囚屍帳三件良中天
字號勘合書填一件給付屍親一件官上一件粘付上使為
手旂被靠人李成欽嚴囚郡獄渠輩之所謂偽造留鄉牌子

與私考音記呈後牒報為乎弥蓋此獄事檢驗也一無被傷
之痕供招也合有可執之証屍親也旋即輸款甘願速埋獄
情于茲更無可議而况挾村殘民劫於獄事當此寒節而散
之四方失巢彷徨而無以定頓是乎所為念民情萬一惻迫
是乎矣獄體有重不得擅便故茲以據實牒報為去乎覆核
一款伏俟 處分為乎弥郡守自此還官緣由牒報為獄事
題旨內屍帳捧上是在果此獄段仰合之面都是痿黃之色
寒熱之痛可見明白之證二貼藥之隨症製給醫方有據一
洞人之犯殮拘忌么論自在實因更無餘疑若主亦請速埋
檢不必覆屍即給瘞是矣噫彼鄭應教吹瓦無根之微疵看
作可居之奇貨嗾囑恃類而偽造公蹟操縱殘氓而欲充私
橐及其傀儡自綻情狀莫掩則一場之捋賜即其自取五度之

薄笞亦所甘受由是而深自愧悔終無惡尤可知其良心之
不泯而被打之不重也十七日之偕往觀市既云少差二十日之
始為卧病必添他崇其子之擇葬同隣之厭避良有以焉則應教
之致死自有所歸成欽之橫罹亦可昭脫然而渠以老成之類苟無不
美之行峻辭責送猶可也告官懲治亦可也惜乎念不及此念不
思難暗聚惡少之輩搜覓指使之人打而踢而乞是悖舉縛之打之
又何豪勢遂使長逝之限適在詰問之餘雖無由我之律難免
落梨之嫌同李成欽為先嚴刑一次取招報來為林林七星段
敢以偽造之物恣行討索之計一轉而有毆闖之舉再轉而
為逮獄之囚究厥所犯不可尋常處之亦嚴刑一次取招報
來為林朴光三林昌順崔玉必段雖因指揮而助勢難違首從
之當律亦各嚴刑一次并與餘外諸人一體放送回事

壬午十二月十五日

延安成汝江

實因被踢死
正犯金仲五

初檢官金川郡守洪冕周跋辭內今且致死男人成汝江屍身
依例初檢後地字號屍帳三件良中勘合書填一件該府上一
件給付屍親一件粘付上使是乎乙在果大凡斷獄之法審於
檢驗以明其根本叅於證指以究其事理而此獄陟檢雖可執
證實未備疑眩既極審慎尤別故同成汝江屍身出且通明處
板子上以相當法物洗審看審是乎則腦膛之微紫一庫比分
寸稍大按指微堅腎囊之膨高形如飽子而一卵縮上脊背右
邊之磕撫圍圓又至六分三處傷損或深或淺俱在要害而腦
膛之受損尤重明是顛沛時所踢之崇而口開手散等形症胎
合法文故實因毆以被踢致死懸錄為乎跡噫彼金仲五段生長
海隅性且愚頑醉來婚酒鹿膽斗大達着汝江狂氣升激稱兄

稱第名分掃如曰是曰非厲堦遂成於是為輒把汝江之衣領兩
次批頰習多危惴幸賴傍人之挽解各就分路有何餘憾忽復趕
走執髻顛畔以拳以脚踢之毆之處下之汝江安得不受損歸
卧其家隱痛腦臆勺水不飲以若無病七尺之軀斲送九日之內吁
亦憾矣是乎玆送人請和莫掩喫脚之狀受屍逃躲無乃求生
之計避匿妹家懇乞活我方永完之耳聞丁寧膝足犯腦有若
脊撞申致燁之目見分明則渠烏得免正犯之目乎正犯毆以金
仲五懸錄而漏網未捕按法差遲尤極可痛是乎玆成平甫死
者之從弟張台史死者之妻故并丑屍親申致燁闕闕光景終
始叅看故以看證錄上并為三招李汝天毆欲挽相鬪者也趙士
連徃問症勢者也方永完毆金仲五避匿時酬酌者故并置詞
連胡汝化洪仁甫毆烈里浦頭民也故置之色掌金君西李汝江

羅丁汝等毆居在比鄰往守屍體者故并置坊隣再招而止為乎
祢申允京崔元五李巡永趙先王權信甫趙奉石羅銀京等出
於各人之招俱係緊證而在逃未捕是乎祢吉台史段正犯之妻
而證嫵所在不必盤問是乎矣欲知其夫之去處一次推問金台
史段申允京之妻吳台史段李巡永之妻而夫既逃躲故亦為
一次推問付之編未拔錄於名目為乎祢關場段延安平山交界
之本浦路邊而野甚廣濶不得尺量是乎祢正犯金仲五段嚴
餘校卒今方譏調而容庖別錄上使為去乎發甘各鎮營使
之發捕為乎祢屍體段還入房中依初掩覆灰印封標定軍人
守直應問各人拘留檢所以待覆檢而覆檢官段以康翎縣監
請移舉行郡守自此還官緣由并以牒報為卧乎事

題旨內覆檢狀憑考次屍帳捧上是在果覆檢官以海州魚任

移定數甘向事

咸平十一月十五日

覆檢官青丹道察訪閔致驥跋辭內大凡獄情決折叅於詞證
無一毫差爽檢諸痕損有十分的確然後逝者無冤犯者可服而
此獄段亮身已逃獄體未備其在詞招之欠詳憲恐檢損之或
忽耶以及覆按摩多般究詰是如乎咸是平山鄉品金乃烈浦
蕃族宜有隣用之好誼素無平昔之嫌冤而邂逅中路喧塵
乍起追趕前浦風波繼作曰是曰非醉憤陡起或顛或仆拳脚
交加哀此汝江年既邁矣身且衰矣幸賴傍人之挽解雖免當
場之殞絕歸家委卧牽痛難忍紅花之服曷以除瘡白米之飲
莫可延縷右肩胛皮磨不過是顛仆時磕擦也苦主所云項頸
硬直者想是捽曳之所崇一無喝起之痕損是乎玆既曰腦背
牽痛又曰等腦踢背則等踢之輕重宜別腦背之痕損是審而

胸膛皮磨點。如荏子樣按指柔軟他無顯著之痕其或冬衣稍厚撞着雖緊傷不外著而然是乎喻脊背稍右邊色微紫按指微堅處圍圓稍大以若傷損當此要害安得非致命之案乎矧茲屍口不閉手散等形症脗合於法文是乎等以實因毆被踢致死懸錄為平旌金仲五毆生長海隅盤結族黨自恃強悍敢作鯉虎人皆畏避視若蛇蝎頑習自長酒性難制不分曲直無端起鬧打之不足踢之尤猛遂使五旬餘無病之軀竟作九日內非名之鬼向人活我之說永完之耳聞分明執髻踢背之狀致燁之目付丁寧分叱除良懇請私和旋即逃縣者莫掩恇怯之跡焉違三尺之律以正犯懸錄而罪人年歲容疤茲以別具錄上特為發甘各鎮營不日捉得事行下教是乎旌申致燁毆鬪場光景終始叅者李汝天毆始初爭詰之事亦為目睹者故并以首證懸錄李德

仲趙士連方未完崔天有等段並置詞連而屍親成平甫段以死
為生移屍於金家騷擾一洞者習固痛駭是乎矣如渠愚氓恐不
足深誅是乎玆詞連李德仲段渠以差使推捉仲五之際只憑私和
任其罪人之逃躲者不無其罪忝以所供容有可恕是乎玆屍親
張台史及詞連以下三坊隣洞頭民等段別無屢詰之端故并再招
而止成永祚段出於屍親之招而病未來待崔元五李巡永申允京
權信甫夫妻崔京化張能權名不知柳哥等段亦出於各人之供招
而在逃未捕並不得如例捧招李巡永妻吳台史申允京妻金台史
等段雖自該府捉待是乎乃別無緊閑之獄情故置而不問正犯之
妻吉台史段不無為嫌只捧單招別具錄上而器仗段既云足踢無
所現納故不得圖畫為乎玆屍帳三件良中地字號勘合書填一件
該府上一件給付屍親一件粘付上使為乎玆屍體段天寒地凍難

以掘坎故還入舊房中灰印封鎖使洞頭民守直應問各人段還授該邑校卒為平跡察訪自此還官緣由并以牒報為卧乎事題旨內屍帳捧上是在果以獄段兩檢實因雖曰歸一重傷之部位若是相左苟不能十分審慎恐致有一毫差謬是如乎差重傷所著實因有定實因所定正犯有故若使受傷也各異其部行兇也各有其人則其於部位之取捨遂致正犯之互換而今此初檢則以腦腫之微紫微堅長六寸者 之以被踢死覆檢則以脊背之微紫微堅長八寸者亦斷之以被踢死踢死則一而部位則二之其在獄體有不可兩檢而止是矣第其真傷異於發變字可以愈久而愈著必無以乍現而乍沒則所謂腦腫之堅紫果係痕損之明而豈或現於前而沒於後乎此是發變之色而檢之誤者也至於脊背初檢亦曰長寸微紫微堅歸之於磕擦則此亦未始無痕而檢之忽者也且以申致

燁之招覲之初檢曰汝江在下仲五在上仲五之膝與足數犯於汝江之腹部近處覆檢曰仲五以右足一踢汝江之脊背後執髮沛地又以右膝等其腦臆此計在吞吐招有詳畧而不能窮數仍為泛過唯以疑似之痕定為必死之因此又初檢之失也然而等其背者即金仲五一人也踢其腦者亦金仲五一人也於腦於背部雖各異曰等曰踢人非別有無論腦背汝江死則死矣無論築踢仲五犯則犯矣不必以此矛盾有所疑貳而腦之築而無痕背之踢而著傷實因之為被踢無容更議屍體出給埋瘞初檢刑吏嚴刑一次懲勵放送為孫金仲五段隣家有酒甘作長鯨之吸行路逢人殆同封豕之突梓之批之已是酖拏之習築而踢而又何憚悍之性遂使九日之內遽殞一縷之命此獄正犯非渠伊誰而暗自知機竟歸漏網者苟究情跡尤極兇譎今方發甘各鎮營使之刻期跟捕是在果亦自本邑多發

校卒期於不日捉得是矣吉台史段嚴加牢囚督現其夫為旅成
平甫之為慮洞弊擅移屍身李德仲之只憑私和以致逸囚俱不可
無警各嚴杖三十度并其餘外諸人一體放送之意初檢官良中
枚移施行向事

壬午十一月二十三日

鳳山金永祚

正犯安學文
實因被打死

初檢官鳳山郡守趙秉老跋辭內前件致死男人金永祚屍身依例初檢
後屍帳三件良中天字號勘合書填一件官上一件出給屍親
一件粘付上使是在果大允按獄之要不出於檢驗供批而今
此獄事檢場傷損形證分明供庭諸指端緒畢露執此二者
無容更疑是如子弟以情跡言之則頑被亮身聚會徒黨奪
人之婦氣焰騰二莫敢誰何見人追逐虎膽轉毒及其猝遇
翻身回立不分要害舉棒猛打遂使無恙之男遽作霎時之

鬼人之瘳悍胡至乎此哉死者寃命何誰索也且以檢招觀之則今此屍首沿身上下一色黃白無他喝起之痕但其項頸浮大青赤前巨領頰難以尺量骨節相離東傾西歪按而搖之隱隱有聲明是折項之因是乎乙遣看證諸招俱曰一打即仆員歸即死而以渠親屬猶不能掩諱僉除良又此正犯之招曰厥漢以杖直衝矣身之上齒一箇中折而繼欲行打挾杖俯首突八左邊故矣身橫立右邊以所持之木一打厥漢之項頸仍仆地而云者即是自脈無餘而活畫實際語也况是口眼開手不拳肚皮不脹等形症吻合法文乙仍于實因段以被打致死懸錄正犯段以安學文執定為乎弥權召吏段以鄉谷之女鵲奔東西遂使狂且之漢致此強暴之習斯獄之速集實釀糶以千連錄上安順西段為于永婦不思非媒不得之

義冒夜三更聚黨一門指揮諸漢挺身率往招出卜汝而堅執袖袂喝使其徒奪女趕走由前由後即渠主張雖有證嫵事係緊關不得不問故一次取招以罪人錄上崔好傑金應甫金良甫等段當場行打光景俱為叅着故以着證錄上金國西段永祚被打之由與金九已同為傳奇於卜孫永祚屍身又與卜孫等擔移于教奉家故以詞連錄上是乎鄉俗雖曰蠢質成群作梗係是法外此等之類於法當勘而同類中崔好傑安吉文已捉捧招安世文安致文金長連水安行吉李好傑等五漢俱是在逃多改發捕尚未捉得金九已段出於金國西拓而亦為逃避未得捧供洞首安教奉段即順西之兄學文之叔也伊夜不義之事渠亦知之固當禁束之為可是去乙終不挽止乃於檢庭以全然不知樣納告

者寃其所為不可全怨是乎跡行兇器仗段乃是一丈餘築
堰松木而行打時中折上節不知下落是如只推下節以納
故圖畫上使是乎跡獄變出於平山鳳山兩邑之界而道
里且遠應招諸人先為逃避推捉捧招之際日子自爾遲滯
不勝悚仄是乎跡應問各人聚待覆檢所覆檢官以平山
府使請來舉行郡守自此還官緣由并以牒報為
卧乎事

題旨內覆檢狀憑考次屍帳捧上向事

壬午七月二十六日

覆檢官金川郡守洪冕周跋辭內大凡檢無疑眩則一副可
以成案獄具情法者凡言足以立折是如乎此獄段膽胎於
一女重傷於一打致命於一更納款於一問獄情到此無容
更疑是乎矣其在慎克之地出置屍身於通明處洗以法物

詳細按摩是乎則沿身上下別無喝起處但合面之項頸右邊
肉綻壹處斜長壹寸壹分紫黯微硬以瘡浮高分寸潤大隨
手翻轉勢同斃於附耳細聽聲若磨骨以若至頑之木打彼
至弱之項人非鐵石安得不損部位雖不要害他歇處重傷
者亦死之昭著法文口開手握肚不脹等形症脛合於被打
死條是乎野人之死由於折項二之折由於毒打故實因段
以被打致死錄上為乎弥噫彼安學文段七年漂泊跡多浮
浪十月還鄉坐席未暖甘聽致文之訛說徃劫卜汝之小艾
呼兄囑叔無非一門之聲援竊婦傷人折盡丈餘之硬木使
俄頃行走之人送死刻殘縷之魂惺頑之桎胡至於斯衆指
之歸一尚矣勿論亮供之自服又何可問正犯段以安學文
錄上為乎弥權召史段背夫歸路邂逅金哥同居四荆遂致

兩家之變惟在渠遇婦不足深誅是乎矜獄之屬皆實由於渠身故一次盤問置之千連金卜汝段以一女之故而嘯聚族黨持杖趕追竟使其侄死於非命情跡可痛金卜孫段卜汝之弟而縛安移屍渠自為之并與永祚母姜氏史而置之屍親崔好傑段隨往于劫女之行泰者於被打之場故如例三招金德甫金良甫等段負來時光景致命後顛末終始泰者而但被打一款未及詳見故止捧再招并置者證金國中段先以傳急後以擔屍安言文段學文之從兄也同行場底里被縛於渠家故并置詞連盧京化朱允尚金用成等居在該洞同為守屍故并置切隣安教奉乃是學文之三寸叔而初不參於閭場兼帶洞首姜殷圭任帶風憲故并單招而置之色掌安順西即學文之父也有嫌證于是乎矣父子同往劫

女則一次推問付之編末按錄於罪人色目是乎乃此獄段鳳山之衆安平山之諸金各分族黨有若便戰則拘嬖不問獄難究竟故按例捧招而安世文安致文李好傑安漢吉金長年水等出於學文父子之批是乎乃并在逃未捕是乎孫玄字號屍帳三件良中勘令書填一件官上一件給付屍親一件粘付并與行兇器仗圖畫上使閩場段鳳山武陵坊場底里後沙石川邊廣潤難尺是乎孫屍體段還入房中依初掩覆灰印封定軍人守直正犯安學文段具格送囚該郡獄罪人中正犯父安順西干連權台史看證崔好傑詞連安吉文并拘囚於該郡將校廳以待處分其外諸罪人姑為保放郡守自此還官緣由并以牒報為卧乎事

題旨內屍帳捧上是在果此獄段父子同惡惹起純吠之變叔侄共

救甘作犧援之勢中路顛頑反逞荷杖之習驀地撞打即解以
梃之殺闔場之扶頸昏仆衆證合符屍帳之折骨癰硬兩檢成案
實因更無可疑屍體出給埋瘞為旃安學文段平日浮浪之
跡已是可惡當夜強暴之行又何極恃不分緊要之項卻猛
加凶悍之手勢遂使廿歲餘健實遽作一夜間冤鬼一次之
打渠亦承款三尺之律焉敢得免兩檢官仍定同推官為去
手約日會推同正犯安學文身乙以別杖箇二考察嚴刑一
次期於得情為旃安順西段為其子之免鰥寡其族而惹鬧
始欲強奪竟致殺變苟究所犯可謂是父而是子不可以學
文之置諸正犯有所曲怨亦嚴刑一次權台史段由渠改夫
之醜行有此悖類之作變亦嚴刑一次崔好傑安吉文之同
往作梗不可無警各嚴杖四十度金卜孫金國西之擅移

屍身有関後癸亦嚴杖三十度並與餘外諸人一體放送之意

初檢官良中收移施行向事

壬午十二月初十日

平山

朴君彦林大卜

實因

朴被打死林大卜勒死

初檢官平山府使姜

潤跋辭內致死男人朴君彦林大卜兩

屍身依例初檢後天字號屍帳各三件良中勘合書填各一

件官上各一件給付屍親各一件粘付上使是在果此獄

段禍媒一女戕及兩男一則昏夜毒觸七尺遽倒冤榮莫逃

一則白晝勒縊一縷即斲父讐言是復天道之孔昭常倫之至

重各得其正甚可貴也其所審克尤倍十分云仍于兩屍身

出置通明平度處板子上以相當法物次第洗看審是乎

則朴君彦屍身段沿身上下他無喝起之處而但心坎當中血

痕浮高方圓潤大其色紫黯按指堅硬是乎取心坎連死之

位而受觸隨涕苦主之招既是的確兩眼之俱合兩手之微握洵合於法文而試用銀釵其色不變故實因段以被觸致死懸錄為子訴林太卜屍身段眉上之肉綻腮頰之磕擦鼻梁之皮磨膏臚之血瘡耳根之皮綻喉骨下皮擦痕必是亂打所傷而執其中膏臚傷損若是繁重且頰頰下喉骨上縊痕繞匝凹陷圓圓有寸其色紫黑按指微堅明是勒縊之痕而犯者朴用孫招內三打膏邊一打眉上幾至垂死之後慮或復甦以索勒縊是如分比除良口眼開兩手散蕩出等諸般形症節二吻合在被勒條法文而口中穀道試用銀釵色俱不變是乎等以實因段以被勒致死懸錄而想像伊日之光景參互各人之所供朴君彥屍親宋召史招曰伊日大卜曳出君彥於門外以其頭兩次觸膏隨涕腿下之狀丁寧目見是如

是乎乙遣林大卜之屍親白在史拉曰大卜殺人之父而人亦殺
之出爾反爾誰惡誰咎云則獄之究竟不外乎此而以言乎居
彥則忽地風波心坎受損七日延縷猶云幸矣以言乎大卜
則縛坐渠家打勒交加當下致命不亦宜乎究情究跡吁亦慘
矣是乎弥凡遭獄變者告官償命於法有之而今此朴用孫
段聞其父之被觸與其妻而還家縶過一宵竟致其父之非
命亦具五內志切血讐言之必復手執搥推搜覓讐人于斯時
也形如霜雪心如兵刃兇身當面憤氣撐肚以椎以索是讐言
是復自古人子之復其讐者未有若是之快且速焉論以常
理情雖出於至痛揆諸刑法罪實闕於擅殺固當置之於正
犯之科而謹按 大明律鬪毆條曰父母為人耶殺子孫擅
殺行賄人者杖六十卽其時殺者勿論以檢官庸淺之見實

難擅便不填色目

使教是考律裁處為手祢宋台史段死

者朴君彦之妻也以屍親錄上白台史段林大卜之母也亦以屍親懸錄為手祢閔士成安興伊金道守等段與朴君彦林大卜此隣居生而雖叅言語之場未見閔閔之狀故并置切隣頭民裴萬祿段居在十里之他村不叅兩漢之閔塲尊位金致浩段君彦致死之後縛置大卜而別無所知故并置色掌名目名不知郭哥及君彦率來之女兒雖出各拓而變出之前俱為上京故不得提問為手祢兩屍體段依初掩覆并八置同房各覆網席一立各灰印三處定軍人守直為手祢朴用孫之行亮搗椎蒙索圖畫上使林大卜之行亮臨仗段既是頭觸也故不得圖畫而今此獄事執仇報復可尚終孝互殺無間不必更檢是手美人命至重獄體莫嚴覆檢一款

以待 處分為平殊諸罪人拘留檢所府使自此還官緣由
并以詳報為卧平事

題旨內屍帳捧上是在果此獄段先溯結讞之寃以正必復
之義而君彥之被殺無疑則大卜之行亮無疑大卜之行亮
無疑則用孫之必復無疑獄於是乎決矣茅以查庭忙招泰
以檢塲痕損豈意率來之女反作惹禍之人為婦為嫂有若
吳楚之相爭一強一弱翻成鄒魯不敵始也歟聞終焉若觸
隨沛而昏窒苦招的確浮高而瘡硬重傷昭著遂使七日之內
遽作九原之魂實因之為被觸大卜之為正紀無容更議矣
若使大卜而伴生難免誅殛之當律然則彼用孫者看具與
性之賦天寧不甘心於即地腔血如沸眼大方烘燖椎亂落
於臆膾勒索而交加於額頰能辨即其時之殺以洩不共天

之痛可以見人倫之不泯而乾道之孔昭也報仇之義周官
有著勿論之文明律莫嚴其在扶植風教不必論以擅殺同
朴用孫特為放送為孫檢案中林大卜之不以正犯懸錄是
何格式是孫朴用孫之復讎則復讎正犯則正犯而不填色目
又何疎忽是喻該刑吏別附過應問各人並放送而屍體即
為給瘞向事

壬午十二月十五日

遂安崔啓達

正犯李致魯
實因折項

初檢官遂安郡守金在豐跋辭內眾供啣口事殊涉於疑眩
一檢照口獄何難於劈破刑名惟恤死生無冤是如手同屍
身出置光明如法檢驗是乎則沿身上下毫無傷痕姑舍亦
無磕擦處故疑無不到慮無不周慮口按指而撫摩間口依
法而洗滌是乎矣遍體瘦黃口眼多合肚腹低陷等形症節

二符合於法文中病患卒死條是乎矣然有不然者存焉啓達之死在於相詰之夕而被打昏倒之說自設於供招咬嘔嘔吐等語乍出而旋八何打之輕而死之速也此足為屍親輩之藉口則其在刑法審慎之地何以定要害致命之因揆以情跡推以事理啓達之卒地捨命者何也若論以被打既無可執之驗歸之因病有何的見之案揣去兩端轉八九疑然郡人皆曰可殺見可殺而殺之可也若殺其不可殺則三章數矣五刑在矣豈可但以若輩必殺之言抑料強度敢以無痕之獄謂之以被打死乎然則明其因病之所自雖使行路而當之見者皆曰當然聞者亦曰當然亡後生可無憾死亦無冤故第伏言當場光景則伊日金鳳並家數箇茶餅無乃啓達之三生冤頭食滯於寒節氣觸於闔場一倒冷庭

遽斷殘縷此非闕脯卒死者乎而況清心丸之要求真油之灌
口亦非闕脯之所當藥餌乎且法文有曰一拳一踢足可致命
然若被一番拳踢而死則其所受傷倘復何如而能無內損
外傷之近似虜乎讞獄于茲啓達之闕脯致斃更無疑眩然
闕脯既無法文之上致命適在於被打之後故實因毆以被
打後病患致死懸錄為手跡李致魯當初元崔之語也同在根
化之家則宜可以諄仁然挽解奉之何憤仁而平豫擲壺擲
桶尤憎尤惡人斯如彼無往不敗况跡扛移啓達之時渠無
一言而受及夫面質之傷死則擔當之說揆諸獄體即渠真
贓險些見檢庭如有一毫之痕安知夫此地能免三尺之律
乎但獄無可疑病有的崇故李致魯段以被告錄上為手跡
元明奎竈間竊飲之說胡閔大事庭畔揮擲之舉又復何習

而况先走告而計將嫁禍至供招而陰欲構入者推以刑法萬
二巧惡假使啓達死非病崇先犯者渠也安得免重辟但死
無打崇告有冤頭故以千連錄上李國甫既與致魯明奎相連
腸肚一乃氣力在房而執髻出門而批頰莫曰有先後之別
焉得免千連之目是乎孫李良仲金海連聞根化之言專致
燬之家並置詞連崔斗億扛置啓達者渠也專報致燬者渠
也合置看證而與死者為四寸甥妹故有撫公證一次捧招罪
人開錄崔啓玄啓成兄第一則八邑專奇一則扛移啓達而俱
是啓達之四寸故雖出供招並不得如例填目而責供只分
庭一次平問而呈後李致魯妻鄭台史李國甫妻崔召史俱
出供辭有嫌證夫亦以平問呈後縣報該坊風憲金炳益郎守
到任前出他未還只有該洞文報自根化比獄禍階出於渠

家而終始參見宜置看證而檢前迹解不得取招金鳳蓋啓
達之喫餅與否固當一問亦以在迹金宗必自根弼金順吉
崔石祚等決村愚氓啣於獄事魚奔鳥散客或無恠揆以獄
情萬口痛惋是乎旂餘外諸人取其緊款或捧簞再招而並拘
囚被告罪人李致魯及子連罪人元奎明李國甫等並為牢
囚屍體仍掩舊衣還入房中灰印封標天字號勘合書填屍
帳三件良中一件給付屍親一件官上一件粘付上使為手
旂覆檢官以新溪縣令請移舉行郡守自此還官緣由並以
解報為卧手事

題旨內覆檢狀憑考次屍帳捧上是在果覆檢官段新溪縣
令以箋文差使負今將上京乙仍于更以免山縣監移定散
甘為去手以此枚移施行白事 壬午十月二十六日

覆檢官黃州牧使尹滋祿跋辭內前件致死男人崔啓達屍
身依例覆檢後屍帳三件良中地字號勘合書填一件官上
一件給付屍親一件粘付上使是在果此獄段傾縮之白
酒已釀百年禍孽敗壞之青經無乃三生惡緣爾們竊飲之
說不幸發口彼是滾醉之人忽激憤壯言所決者酒商一夫
氣所使者醉漢三個是非交爭強弱不敵元哥之打脚自歸
發明之例套國甫之批煩不過助勢之本色至若李致魯之
下手其奈故必殺之處心先自房中雷攻若舉爐擲膏而迷
倒纔出門外雷掣手焉執槽打背而昏仆仍不省覺神魂未捨
言語不通想像當場光景莫曰所見者之落膽至使所聞者
而喪魂况其當此禍迫之啓達者臟腑能不摧裂而魂魄亦
不飄蕩哉又况梓申田畔更加一層毆打者可謂死僧習杖

雪上添霜而幸有徒弟等之來奔負卧致魯家之房煖飲以
真油而旋吐不下口出鮮血而氣息奄忽俄以強壯四旬之軀斷
送性命兩時之間究其事則浪矣語其死則憾矣然則其死
也緣何蓋由於被打則第當確斷實因名目而實因之法參互
詞證之供招較諸檢驗之傷痕乃定實因而今此獄事段屍
親曰被打詞連者證皆曰被打切隣頭民但曰被打不犯諸
人亦曰被打打膏身至於承服其行兇則其所被打斷亡無他
且其行兇器仗如許大之火爐也若彼重之本槽也而其所
受打亦是要害之膏背則其打猛毒其痛酷烈故僅延兩時
而卽斃更無毫疑之他崇明是當下之裁殺是手矣及其開
檢也冬月凍屍溫軟洗滌煮醋煨糟如式貼付對象按摩是
乎則肉色之或青或黑無非變動之色而遍體隨指柔軟作

合上下毫無可執之痕損茲局故焉檢獄之事體情態雖曰萬
狀豈有如此殊常乖宜之理以若檢官之膚淺實未知檢式之
執理將何以劈破是乎乙喻左思右量庶可臆斷矣蓋體體
圓大故擲打綿衣之膏而不甚觀着即為撞破則外雖無痕
內必搖盪槽之為形其底不方其長尺餘橫過背邊則外亦
無損而背是臟腑之所系也其打椎壯臟系已斷譬若風打
樹而葉自落水無痕而魚有傷者而仗與風而有異皮與水
而不同然而驟論理勢則似或然矣今以死者之生前形色
言之槽打即仆神魂未拾云心藏神肝藏魂則神魂未拾者
此非心肝所傷而何是乎抑且言語不通目眊瞳直真油旋
吐云心受病舌不能言肝受病目不能視脾受病口不能食
則其所語塞目瞳油吐者亦豈非心肝脾之受損而何是乎

弥且口吐鮮血云氣至煦血至濡而氣未煦則血未濡而逆
出今此吐鮮血者豈非內傷氣窒而何凡人之眼目不及臟腑
故內傷二字獄家之所忌而然而死者之死崇無非內傷而
內傷實由於被打則屍首之口眼開兩手不拳髮亂等形症昭
合於被打死條而既無外著之傷痕故實因毆以內傷致死懸
錄屍帳為字於李致魯段素賦狼性難掩數跡渠雖云盜飲
之累說古亦有瓮間之狂趣則此與錢穀間所盜有異何必
痛憤而滿腔使氣起怒於不怒之地肆殲於無嫌之人因念
器仗之輕重不分部位之緊歇在房而爐打出庭而槽打使之即
仆昏窒不省莫曰一打再打渠是先犯後犯則既云絕情尤
極亮燭而又况更加田畔之毆打及至房中而殞絕者渠亦
人性胡寧忍斯天理孔昭水當直流故閱格之推諉欲巧自

拙行亮之承脈有惡必反繼歸於醉醺朦朧之中難違於約
章同赦之科殺人者死三尺自在百喙難容一辭敢掉李致
魯段以正犯錄上為乎孫李國甫元明奎等段渠與致魯既
是同轍之人而激憤於竊飲之說或為打脚或為批頰亦云
駭愕任使致魯而毒打初不挽解竟至殺越者一而二也而其
時犯手不至緊重故並以干犯錄上為乎孫李良仲金海連
段闖場光景俱是目觀立證者故並以看證錄上為乎孫崔
斗億段與啓達為從甥妹之間而雖非公證招辭連脉故權
以詞連錄上切隣張成孫段往見啓達被打沛卧之形色又
見殞絕之狀故亦以詞連魚切隣填上為乎孫白根化夫妻
與崔石祚金奉益等段雖出供招皆已初檢前逃縣尚未捉
現故不得捧招為乎孫李致魯妻與李國甫妻等段雖出供

招非但證嫌而別無可問故亦不捧招為字跡屍親崔啓玄
之弟亦出供招又無可問故置之為字跡正犯罪人李致魯
段具格牢囚于即獄干犯罪人李國甫元明奎等段並以着
枷分囚于該郡將廳及長房餘外諸人并姑保授為字跡行
亮器仗乃是土火爐木狗槽而火爐則瓦二破碎不得圖畫
木槽段圖畫上使以備考覽為字跡收使自此還官緣由
并以詳報為卧字事

題旨內三檢狀憑考次屍帳捧上是在果三檢官以瑞興府
使差定設甘向事
壬子十二月初三日

三檢官瑞興府使趙頤永跋辭內前件致死男人崔啓達屍
身依例三檢後屍帳三件良中天字號勘合書填一件官上
一件給付屍親一件粘付上使為在果大凡讞獄之法殺

償係是重辟哀敬叩鼓輕折檢之覆行欲詳死因之昭確供
之更青要得犯賊之破綻是在如中此獄段殞斃既踰三刑
簡驗乃至三遭兩案之有左衆詞之欠的是白如乎其重
獄審克之道不可辜而論斷乙仍于崔啓達屍身出置通明
而時當嚴冬全體堅凍澆洗翻轉試用法物候時準或親手
按摩是乎則仰面額角左右如千作痲處五庫太陽穴左
邊皮磨處一庫此是磨擦實非痕損別無可疑是乎弥至若
合面之項頸頗有浮氣左傾右傾前垂後垂以兩手執頭搖之
又有磨碎之聲是乎則此以檢頭之症較諸連命之部死者之
死在於當夜其所項折更無疑眩是乎故實因段以折項致
死懸錄為乎弥哀此崔啓達家素貧寡負酒行商要利生涯
往彼村落逗留滌盪勢之悽涼不言是圖得喫祭餅之間忽

逢酒壺之空以此起鬧猝被致魯之毒打因為俄頃之間七
尺未保一縷斷送論其情則賊矣語其死則慘矣噫彼李致
魯以渠悖戾之性竊人生計之酒反為起鬧施頑行惡以燼
先為一擲以桶緇為兩打使此無病之人竟作有冤之魂是
遣死以死中求生之心做出欲巧反拙之計以其喫餅之病崇
粧撰納招究其心腸尤極兇悍當於伊日若無致魯毒打之
舉豈有啓達猝死之理乎正犯段以李致魯錄上為乎祿元
明奎執髻踢脛李國甫曳出田頭雖是同場之犯乃有輕重
之別故俱以干犯錄上崔致燬死者之三寸叔而發告者也金台
史死者之妻故並以屍親捧招金海連李良仲聞白根化妻
之傳言追後往見鬪傷者也崔才億段移置崔啓達於李致
魯家者故並以詞連錄上白應辰張成孫居於此隣者也

宋名史段本洞崔石祚之母而其子逃避則以次知待令故
並以切隣捧招風憲金炳蓋段其時以公通逃縣尚今不還
故未得捧招頭民李文範洞長崔石圭具由報官者故並依
例捧招崔啓玄段即死者之從弟而往見被打之杖故只捧
簞拍金鳳蓋段以給祭餅者故亦捧簞招而不填色目是乎
弥白根化之夫妻與白根必李榮植雖出於諸人
之招而白根化之夫妻與白根必逃躲未捉李榮植出他未
還故並不得捧供行兇器仗段即火爐與狗粥桶而火爐破
傷未納故不得圖畫狗粥桶段圖畫上使為字弥正犯李致魯及干犯李
國甫元明奎等牢囚本郡獄餘外應問各人並為拘留府使
自此還官為卧手事

題旨內屍帳捧上是在果大凡列名之重莫最於殺人獄情

之初必先於檢驗而檢驗之法尤莫要於執因故百回盤問
毫末或忽求疑於無疑之地更推於已推之案痕損焉執其明
的證招焉據其確晰然後庶可無一差千謬之歎古人之欽
恤服念克審且慎者良以此也今此崔啓達之拘檢以彼打
後病患致死懸錄覆檢則以內傷致死懸錄者前後之相反
何若是相懸也槩論當場之事自己生活專靠於一擔之酒卓
午討喫不過是四箇之餅責以竊飲難辨瓮間之吏部急於
求藥未遇壺裡之長房恃漢連肚莫當蟻援之勢致魯遲憤
先使承突之氣火爐木桶俱是堅強前臆後背亦係要害以
此至硬之物當彼莫擊之部人非鐵石孰能保安方其猝曳
之際不分擊散之部揮之打之無所不至而又重之以爐撞桶
撲之舉者想像當下之町見可謂曾前之罕聞而初檢之曰

被打覆檢之曰內傷非不曰執因之似然而一辭至尾全沒起
疑之論四大指亦無可執之痕至有三檢之舉揆以檢格恐
欠綜詳初覆檢刑建姑先刑附過是在果謹按無冤錄諸死條
云堅硬撞打至重者紫黯微腫即係必死之證今於三檢
中有曰項頸浮腫又作磨碎聲者可知其被打之降或顛或沛
且撞且着而項之為體也中空而外脆少或被搖易致受
傷故曰虛拗之部也執此形症允合法文實因之折項致死斷無
餘蘊屍即給瘞為手跡候彼崔啓達段疑山青出於酒國怒
濤白激於開塲橫被毒手之來加遽作殘縷之斷送情固慘
然死亦冤矣李致魯段梁既竊飲而見露於斧主則事當自愧
而退省於內心是去乙不惟不此之為反生反勝之計以爐以桶
随手随打不戰狂漢之習竟致殺越之變縱欲為之解說安

得免乎正犯約日會推為先嚴刑一次期於輸款為祿于犯元
明奎李國甫等段不思挽解同惡相濟一則執髻一則曳出
寵其所犯與李致魯二而一也各嚴刑一次取招白根化段當初
闕閤出於渠家而有若傍觀無意力救竟乃逃解未得捧拍着
究所習殊涉痛駭期於跟捉牢囚並只報來是遣餘外諸人并
放送之意初覆檢官良中收移施行向事 壬午十二月十八日

海州朴台史

被告張二京
實因自縊死

初查官海州收判官朴齊近跋辭內大凡愚夫愚婦之遽然捨
生者世或有之或因迫隘難耐之端或因至冤切憤之事然至
於此獄朴女以四窮之老物托三從於贅婿其時鍾愛無異
已于是乎乃微債見督不是異事一夜被囚胡閤大變鞭扑
不及債報幾畢而渾家愁亂是曷故也一朝闕飯又何妄也

乃欲傾盃而消愁豈料伐性而忘形於是乎無生之樂有死之心遽辨矩經之變斷送鴻毛之命是乎乙加喻情雖憾矣死固浪矣繼項而死若主之發狀也無人指讎查庭之質言也執此以究不難決折是乎矣其在審克之道場致踈虞之慮別遣刑吏使之摘奸是乎則探塵雜亂距地為四尺九寸五分套頭之條盱解下時絕為兩端在於屍傍是如是乎盱雖為免檢實因之為自繼無容更議是乎亦張二京段當納者公貨也當捧者援錢也捧此充彼宜有說焉而既無挾私操縱之跡只有舉公叔刷之事然變出於督積之後則不可專譏於老妾之崇揣其情則似有鴻罹之歎論以法則不無烏飛之嫌故以被告懸錄為有在果暫時責報非私伊公查庭質拒指作無人其在欽恤之義合有參怨之道是乎矣查體既嚴

人命至重恐非淺見所可輕議是乎弥問百元吳正國等段當初光景雖未叅看死後移屍者故並置看證魯致西白石交朴濟石等段並置詞連為乎弥羅卒輩之憑公恐嚇自是例習而朴濟石之忽發搜家等說有若恐動者然未免口失不無其責是乎笑初不作梗云者非徒極口發明亦無詞證之可據則恐不足深誅是乎弥詞連魯致西及切隣面洞任等段別無更詰之端並一問再問而止套頭條所段既云解下時絕為兩端故不得如例圖畫應問各人逢搜校卒而獄情自初破綻屍親亦無指讎覆查一款恭候 處分為乎弥緣由并以牒報為卧手事

題旨內查案捧上是在果有證隣之明的然後獄可以安折無情跡之曖疑然後法可以施措而人之死也有冤死者有浪

死者今此朴名史之死謂之冤可乎謂之浪可乎若謂之冤則別無諸招之可據其謂之浪則既有告狀之請免究其死由非冤而浪也明矣然而案以四窮之一老物托身於贅婿寄生於酒商則其身勢之孤單契活之艱乏不見是圖而如無當場極困之勢豈至一朝遽斲之舉苟念其情吁亦慘且惻矣因有收歸獄無可疑屍即出給使之埋瘞是遣張二京段以若無多之債錢私相督報未為不可便藉所買之公貨做此舉訴殊涉無謂且况多縱猛隸妄欲收家以至於朴女自裁之變雖曰無犯難免由律是遣崔周巖段渠以無依之類既為贅居之人則宜守自己之分恪遵半子之義是去乙初焉搜用於他人末乃徵出於聘家竟使白髮之妻母遽作黃泉之孤魂揆以常情寧容若是其在勵後不可無懲各嚴刑一

次仍因報來為弥餘外諸人并即放送覆查置之向事

壬午十二月十六日

安岳白守天

實因被踹死
正犯李廷燬

初查官安岳郡守金文鉉跋辭內大凡讞獄之法因其檢驗而傷痕的知取諸供指而罪人斯得是如乎此獄段有難掘檢莫睹屍首之痕損直是行查惟聽衆口之供辭是予所叅以嚴神涉張仲官之看證的指則明是李廷燬白守天之閨毆直職也右曰足踢膝築又踹腎崑者無非致命之傷是予弥且以擔屍軍所指觀之則屍親李台史哭於屍傍曰寒節衣薄致此凍死且於李台史指曰遍察其屍面紅身直第以謏見叅互情景則方其白哥之醉歸也受此兇身之毆打而不即善提溫煖旋又冒進雪程則安知無寒祟之添發乎其曰足踢膝築者固非毆打之證又曰面紅身直者亦是凍死之痕直曰被打

恐非省刑之典止言凍死有失慎獄之道故實因段以被打
後凍死懸錄為字跡噫彼李廷燬段其與白守天有何業寃
是乎乙加喻同居里閭殊異乎遠方之生面偕往場市莫非其
厄會之當頭市酒暈生於夕陽之歸路業火斗起於班常之詰
言猝曳守天之頭髻築踢守天之胷背又躡賢虎之狀備出
各人之招則行亮情節到此綻露是乎乙遣况此風鳴雪塞
之地打彼衣薄膚冷之人者亮身之真頑尤不可掩矣李
廷燬段以正犯懸錄為字跡蓋此文山安訖之村自來海隅
窮僻之巷居民焉太平蠢習俗焉率多巧詐殺死之變謂
可以掩匿查問之招專事字粧撰故屢回盤覈始知其情實
是乎則李果石李已燬即廷燬之父兄也以其犢犢之心而
潛議于洞首由乎鴿原之誼而暗託于看證左右綢繆俾勿

播說者揆以法則亦當有辜語以情則容或無恠以父兄而證子弟似違於格例故置之勿問為乎弥張相五表宗日段為其一洞之頭民者帝制於隣詎徃託於者證互相約束秘不發口者其在獄體不可無懲是乎弥李台史段渠以緊切屍親洞人之當日已歸家夫之經宵未返不無疑訝之端其屍之填乎溝中其變之出於意外宜有探採之緒是去乙泛謂凍死徑先殮埋者情理所在疎虞莫甚不可以屍親而全恕是乎弥嚴仲陟張仲官段既叅於闔場則宜挽而偕歸是去乙拋置醉漢於中路各自散歸於洞內則無人救闔竟至殺變者亦不可無懲是乎弥白元真段因念族親之誼只慮洞里之弊守天之死由毆闔初不言於其妻太守之委送通竒終有諱於其第以致獄政之稽滯終乃抵賴於查庭者此

不可尋常懲勸是乎。亦正犯以下應問諸人，并姑拘囚，以待處分緣由，并以牒報為卧手事。

題旨內查案捧上，是在果大抵實因者，單舉致死之由，十分的確然後，乃可以懸錄。是如乎激皮不恤之習，相與呼酒而痛飲，醉眼迷離之際，心也喪心而易性，不顧要害，恣行絕情。閻羅冥府每多冤枉之鬼，幫漢套圈，何限兇悍之徒，已埋之屍，有難更驗未著之痕，無以偏定古人之屢剪燭跋，克審評斷者，良有以也。今此白守天之死，既有被踢被築被踏，可據之證，則於斯三者，捨歇取驛，可曰查體而不思，今析處桶被打者，是豈執因之法乎？夫被打者，或以挺為，或以拳為，隨手行兇，此之謂直贓，而乃以踢而築，而踏之，扭作為打而凍，而凍而死之料，揆諸格式，大欠綜詳，且以凍死論之，無冤卒屍條。

有曰項縮脚拳遍身白粟肉色黃緊者係是原症而今於苦
招只云面赤體直未必其情文之得中也先錄被打已涉踈
忽次填凍死未免違格舉行刑吏為先別附過為旌以部位
言之腦背則必死之處也腎尾則速死之部也以其必死較
諸速死其輕其重有懸有別實因段以被踏死厘正是遺礙
出白李似泥之山翁無異形俱紅麻冒雪之行人可哀素以
比閑之諷偕作觀市之伴遽爾班常之論不是胡嚷之事而
俱以虛浪之醉漢致此當場之殺越語其事則妄矣參以情
則慨然第起鬧者廷燬先犯者廷燬則渠雖有粧饌之計安
得免正犯之目情跡畢露幽冤可雪更加嚴刑期於輸實為旌
彼白守天段白雪歸路誤作北却之行黑月空山誰招半夜之魂
顧茲觸冒之身遭彼猛毒之勢則命之即致理所必至而張仲

嚴仲涉既是作伴八邑則亦宜相救還家而初焉在傍協力未
乃從中做謀目擊其起鬧之事口諱其行兇之節意狂助桀
事非為趙極狡極黠胡至此哉又况甘聽亮親之囑暗售貨
屍之詐苟究其由與李廷煥二而一也此不可信者證論更以干犯
改填張汝純表宗日張相五等段獄體人命何等嚴重而互為
綢繆專事掩匿期於一辭相應幾乎三章未伸者其在勵後不
可薄警各嚴刑一次仍囚報來李果石段暗掉三寸之舌欲鉗
一洞之口不顧自己之失着欲使其子而得脫揆以常情似或其
然而有闕後弊果難全釋嚴杖二十度并與餘外諸人一體放送
覆查置之向事

壬午十二月二十四日

安岳

咸已洪
李台史

初檢官長淵府使沈宜淳跋辭內前件致死男人咸已洪女人李台史

屍體依例檢驗後坎掘假埋灰印圍籬封標逢授守直為子孫
屍帳各三件良中天字號勘令印出如法分上為在果此獄
段二人并命兩檢同行苟非宿世之業冤有此當場之殺越
其所以該死冤死惟在手自割被割而變出孤屋叅證已之屍在
房憑問無處事理之荒唐獄情之踈濶未有若此者也茅以
李名史屍帳觀之仰面之兩脇肋合面之兩腠腿等許多傷損
無非棒打索縛之痕也雖是深重此不足為速死必死之處而
咽喉食氣喉之刃割分寸若是濶大取看其行兇刀子則其
尖甚銳血痕塗漑以若利物受此毒割則豈能延晷刻之命
哉當下致死勢所必至是乎汝彼已洪者是可忍乎一自結
髮之後又為贅居以來琴瑟靜好必無厭薄之態室家和樂
宣有勃蹊之端託聘母而買藿可知婦情之敦厚語舅丈而

速還亦見家道之察飭夫何猝起平地之波自作滔天之變
携往渠家深鎖房門取來麻索緊縛手足棒打之不足刀割之
甚毒使此青春芳年遽作黃壤驚魂是乃狂耶醉耶鬼耶人耶
非醉則狂非人則鬼若其本性豈至此境狂也威夫猝地作
變哀哉李女死期當迫無人過去有誰挽解市日尚早乃親
不來呼爺孃而幾次氣窒塞而幾遭意於受刃之際雖有遮
截之心容身不得束手無策情固可憐冤將何伸嗟乎百年
佳約只信月姥已笑八載薄緣都付鬼闕豈意夫婦之間反
作仇讎之地實因之為被割已洪之為正犯斲然無疑是乎
殤已洪之死亦何故也以渠亮狂之性猶見慘死之狀惟惻旋
生心神都喪况殺人者死公法自在與其被刑而代償莫若自
手而裁處仍執其刀惟意割斲明若觀火奄除良屍帳上咽喉

食氣噪之刃割如彼深濶口眼令臂曲手握等形症及起手重
扼手輕之法文照然脰令故實因段以自割死懸錄為手孫李
召史段已洪夫妻言詰之狀傳言崔女金利先段已洪致死之由往
傳其弟者故并置詞連似此重獄全沒看證有欠獄體是乎乃
無人察者未得愍其為手孫切憐之以三人取招乃是例也而
事在孤村難以依例責立只以兩人執定而別無可問之端
故并與面里任等一體單招而止為手孫繫縛之山麻索行
打之石杵柄足可為行兇之物而李女之致命非由縛打實
緣刀割已洪之致死亦因刀割故只以刀子圖畫上使為手
孫應問各人等俱無緊關亦不無來往之弊故并姑保授本
洞而李女之死出於已洪已洪之死出於自手少無疑眩更無報復
出給屍體斯速埋瘞之意而邊屍親一辭納告覆檢與否何以

為之是乎乙喻更待 處分為乎玆府使自此還官緣由詳
報為卧乎事

題旨內屍帳捧上是在果風打花落即蝶之情太薄水流山
空佛鳥之夢忽驚玉嬌借床深托半子之緣月姥斷繩幻作
三甲之索辨錢已防願買一束之藿匪斧不克忍伐三生之
樹咲彼李台史芳年纔過青春澤行無愧白玉語無反唇偕
期琴瑟之老愛有鐘情相抱襁褓之釋數戶孤村人皆交指目
中舊地業障魂已散於釘頭好緣便是惡緣愚夫無乃狂夫
其情也憾其死也哀執此以究因有攸定是遣噫彼咸已洪
段一生寄跡縱多贅居之數八載同室自有和湛之義則設
有交謫之事宜責柔順之道而不思所以善導乃反加之威
喝甚至於索縛而懸打又重之刀割著痕切塵漲於空釋慘

日斜於深扉及夫逆妻之終命遽出自己之恟心取次自割
作此并命是局故焉殊涉訝然渠以年少之種子且有情狎
之荆妻抑何以變心於一朝遽致此拚命於當場延津之劍俱
化藍田之杵已碎然則歸之醉狂可乎歸之鬼祟可乎歸之醉
狂則不飲之苦招自在歸之鬼祟則斫木之卒事可據以此
以彼有犯有因一獄兩檢其誰伸雪屍體並即出給埋瘞是
遣應問諸人亦即放送覆檢置之向事

壬午正月二十日

